



斗南先生詩集卷之四

寧國文英

歌行

葛洪丹井

吾聞句漏仙翁之丹井乃在紫微之陽東山之頂仙翁丹
成去不歸但見一泓寒碧涵秋影當年仙翁鍊丹砂呼吸
沉澆餐朝霞陶鎔日月精鍊冶紫河車玄液化白雪真胎
結黃芽一朝騎龍去翱翔太清家遺此百尺井千古令人
嗟輓轡無聲石苔紫子規啼老長松花我來汲井凌絕頂
夜半飛出黃金鴉直疑此水接東海上通銀漢之靈槎靈
槎迢迢貫明月漢使西回持絳節矯如黃鵠摩晴空何恃



金丹蛻凡骨酌以丹井水載歌仙人篇永言保之合自然
勿因離別損顏色此水可以期長年

松雲歌

我思仙人乃在玉塵金鰲之兩峯以松為巢雲作宮白雲
松下來天矯如飛龍仙人騎雲與天通朝遊蓬萊暮崆峒
東分斷鰲足西擘三夫容興來醉潑金壺汁元氣淋漓鬼
神泣八窓虛明白日寒萬壑嶮岈翠濤濕昔年曾画匡廬
山置我采藥山之間別來彷彿三十載杏花落盡青春間
昨日相逢臥雲者因之欲訪長松下白雲悠々江海空瑤
艸金芝共誰把山中之人招不來琥珀夜光生紫苔天寒
茯苓儻可寄與子跨鶴登瑤臺

送周應常歸餘杭

大滌洞與華陽通中有許郭仙人蹤青山九鎖翠蛟舞明
月孤懸天柱峯雷淵子雙青瞳顏如丹砂髮如漆呼吸沆
瀣凌空濛手把五色金夫容翩然騎雲朝九重天寒猿鶴
久相待詔許飛佩還山中太乙真人坐蓮葉銀漢無聲波
帖々滴露軒前夜氣清石函雲冷青瑤笈還山二月春風
來玉屏洞口桃花開寄謝山靈儻相許吹笙弄月登蕭臺
題敬賜內侍桂岩道人李吉之天香深處手卷

吹君玉龍管酌我金螺杯聽我歌天香天香何處來廣寒
宮闕高崔嵬黃金布地瓊作臺吾不知當時老桂樹是誰
親手栽但見月圓則榮月缺則摧九十萬里顧兔東西走
不息歲々花從天上開請君花下飲一笑舒君懷百年此
興能幾回霓裳歌羽衣舞足蹋虹橋上天府天香吹人千

萬古願持此香蘇下土

題敬賜內侍蘭谷道人蔣怡之詩卷

有美人兮山之阿牽白雲兮被女蘿抱鳳皇之綠綺濯冰
弦于絳河倚丹崖兮飲山淥采幽芳兮結纓服挹清風于
九畹彈廣陵之一曲思美人兮不可招何以報之瑛瓊瑤
含竒芬兮永湛露期永好兮同道遙

題敬賜內侍翰大亨梅花洞天詩卷

我聞羅浮古洞天縞衣玉骨皆神仙南枝北枝自冷煥古
月今月同清圓開元供奉酒一問孤山先生詩幾聯青鳥
窻間莫啼夢且容老子弄嬋娟

望廬山陰雨不果

平生愛寫廬山圖今朝始識廬山面山靈怪我來何遲漏

出白雲千萬片千片萬片雲重三尺尺隔斷香鑪峰東南
五老望不見倏忽上下隨飛龍虎谿三笑今何在惠遠東
林渺煙靄臨風大叫謫仙人九疊屏前定相待若有人兮
山之顛手翻銀河下青天金芝瑤艸儻可采我亦跨鶴來
林泉

寄題萬峰閣為越僧作

魏：乎萬峰之閣兮乃在句踐之國梵王之家不知何年
始開闢但見層巒疊嶂涌出無數金蓮花想當大禹疏鑿
際神輸鬼運分如麻啣石走精衛補天驅女媧星聯棋布
互參錯竒形詭狀何峻岬踞者如虎豹蟠者如龍蛇斷者
如截肪峭者如削瓜穹然古佛頂螺髻青髮髻紛若越女
鬟一盤宮鴉又如祇王園中寶樹下諸天旛蓋雜暹相

紛拏娑竭珠宮夜光白明月照海皆金沙我聞勝景有如此恨不一往乘輿車上人山中來笑語生煙霞中藏萬峰秀文采摘天葩風流遠接許詢輩佳句往傳中華昔聞支道林好騎神駿駟歷覽山水窟逸思令人嗟我詩無根蒂政如焦穀芽安得從師極登眺東遊雲門與若耶寄謝山靈勿相拒待我一飯餐胡麻

過呂梁洪次韻

呂梁自從開闢來中有崩崖轉石之驚雷不知何年鬼斧鑿一水怒觸龍門開故人張帆涉幽險月出船頭金灑重瞳霸氣已丘墟百谷安流會江漢徐州城外山重馬臺上生悲風古來豪傑俱寂寞但見水光雲影涵冲融還酹波神一杯酒三弄瓊簫吹龍友秋風吹夢過江南總

是離亭折楊柳蘆花霜白鴈祇更天雞啼罷東方明權郎揆舵唱歌去衆中誰解吳歛聲人生壯志在萬里大鵬簸蕩東溟水蓬萊石上有金鰲手把絲綸共誰理

月中桂子

廣寒宮殿重開天妃舞鏡登瑤臺娉娉飛輪上裴回玉龍吐涎雲外來靈鷲峰高天不老琅玕無光琪樹小赤城洞口如飛沙碧桃藏春不敢花直疑仙人紫霞會靈風吹墮真珠佩猿童蹋雲掃空階天雞驚起雙喙綵鸞瓏呼不回

和嵩岳行

吾聞三十六峯青嶙峋仙翁價重連城珍金堂石室不可到紫芝瑤艸長清新自笑青春探靈秘望斷蓬萊五雲氣

不是丹丘紫鳳皇按圖空想千年瑞使君看山雙眼青題
詩曾寄山之靈吹笙每招王子晉采藥或遇安期生錦袍
舊是龍門客不怕山靈夜呵責有時笑接浮丘公有時吹
笙坐盤石醉騎黃鵠登天門濯足銀河清絕群鴻龍玉狗
森左右大叫閻闔排青雪紫皇授以瑤臺月照見迎風玉
壺雪鶴夢寥三蕙帳空幡然又與煙霞別黃河一千年一
清六龍在天當聖明河陽種得花滿樹誰能解此春風情
明當高附垂雲翼直上搏桑望朝日有信東方有小兒三
偷阿母蟠桃實

立春雨中作

春雲陰：春雨作今日迎春出東郭陌上青泥一尺深兩
打牛頭濕牛角兒童奔走看春歸拾得春牛頭上泥阿翁

大笑向兒道正應春頭種田好呼兒買酒祀田神大字搏
泥寫作春田鼠不生野無雀有租納官心即樂

題瞻雲軒

迢：東流水悠悠思故里故里日夜思中情無已時中情
向誰言白雲在青天青天高無極相望不踰尺慈烏知返
哺越鳥知南巢異鄉非吾土瞻雲徒爾勞客從江上來贈
以春蠶絲願織春蠶絲裁為游子衣駕言服春衣婆娑舞
庭闈上以介眉壽下以飲春酒

紫霞瓊歌

媧娥補天搏五色化作崑崙一拳石神人巧斲秋水骨玉
臼敲丹碎蟾魄東方涌出玻璃盆九氣凝結回鸞文天吳
海若不敢受中含萬斛梨花春瓊液流波散成綺照眼落

花吹不起醉來大笑醞雞天吸盡長鱸百川水
白蘋春夜聽何山人彈琴製烏夜啼曲

梨花月白春冥冥城烏夜啼當二更白頭老翁識烏語揮
弦彈作烏啼聲初彈翩飛遠樹再彈啞棲不住雌雄
引子復回翔下上呼群自來去高逼天門清露寒牽牛蹋
浪銀河乾低翻塞艸黃雲晚秦女思家玉關遠睽絲
忽作行恍然無聲風滿堂老翁拂袖入門去海日果杲生
東方

瓢岩歌送人之金華

高人愛瓢得瓢趣在山出山皆樂處十年不酌山中泉
落江湖隨所寓既不學洗耳翁棄之不耐聆松風又不學
懸壺老賣藥藏身以為寶朝騎華亭鶴暮蹋碧海鱸身披

紫綺衷手提力士鎗與瓢傾倒如弟兄興來喚明月大瓢
小瓢相與傾大瓢一飲累十觴小瓢百觴亦不停明珠走
盤落啖唾謔浪好似東方生兀然一醉臥花下月落瓢空
還復醒春江水綠花冥冥金華夫容天上青持瓢若飲雙
谿水我亦相從來濯纓

張鍊師祈雨歌以贈之

蓬萊仙人谷神子夜扣天關與天語玉壇三日走風霆呼
雲得雲雨得雨問之此是何人功不歸造化歸太空鹽官
令尹郵民者方寸默與天心同我田有秋農有飯但願今
年租早辦龍瓢馬上倒天河喜雨作亭功更多

過益陽渡

別腸刺弓弦急展轉車輪不停息正爾天涯憶故鄉一

行過鴈煙中沒益陽渡頭白髮翁野店壓酒松花濃上船
露坐待明月色正與家山同人生進寸還退尺塞馬既
亡仍復得洛陽年少謫長沙白也曾為夜郎客徐卿徐卿
吾故人寒谷偶被陽春息此時應有還家夢稚子壺觴正
候門

鵲軒行

阿母昔年生子時靈雉群飛庭樹枝自從阿母生子後一
月一年來上樓人言雉聲能送喜為報君家得賢子十齡
能讀書二十走馬青雲衢三十得官東海隅阿母騎鸞上
天去故巢幾度空山兩雉聲猶繞庭前樹子今遠遊天一
方不見頭坐中堂但聞啞啞鳴朝陽啞啞復啞啞風吹
庭樹葉落枝頭還再生安得母來聞雉聲

碧玉連環歌

贈君芙蓉之寶帶佩以碧玉之連環寶帶纏綿合歡意連
環宛轉雙蚪盤雙蚪盤無斷絕團比似青天月月月在青
天缺復圓我環長圓不曾缺人生離別當奈何贈爾一曲
連環歌

送富陽李孝子

秦川之水東南流中有孝子一葉之扁舟借問舟行向何
處家在嚴陵灘畔住嚴陵灘畔棲鶴村阿母望兒長倚門
兒歸上堂母心喜寸艸曷報春暉恩兒有青囊舊時術自
信他人傳不得錢欲買冰上魚卜地翻鐫墓前石兒今
何所願老嚴陵灘不願麒麟臥高塚但願瓦棺葬母山
之間千古萬古子母安如山

白雲歌

白雲在青天浩蕩凌高風丈夫志四海飄飄無定蹤君從
冠冕山中住雲亦無心隨所寓吳山越水接荆揚總是當
年棲息處九重蕩天門開一朝乘風朝玉臺故山猿鶴
無驚猜從龍作雨還歸來

題畫

大山小山夫容開雲氣遠從天目來山中六月不知暑雙
松如龍嘯如雨磯頭水深三尺許水中石子清可數石子
可數易見魚高人把釣心焉如五湖風高浪如屋何人同
唱滄浪曲滄浪曲歎乃歌細雨有笠斜風有蓑吾誰與歸
張志和

漢武祠

通天樓閣排雲開仙掌露寒金作臺八月一日王母降七
龍九鳳相裴回手持玉桃獻天子此桃結實三千歲東方
小兒窓間笑此兒三偷入瑤島帝欲種核留人間服之可
使長朱顏茂陵秋艸今何在回首雲霞渺瀛海

題望雲圖為越人作

湛湛越江水胡不一洗九曲之離腸英越山雲胡不化
為五色之衣裳兒今食祿天一方隔江望雲如太行中流
一葦信可航父兮母兮不得將春風紅藥花正好不如階
下宜男艸堂中之人長壽考此圖端比陳情表

題琴月樓

白玉可斲明月輪黃金莫鑄知音人子期一去不復見惟
有明月長相親有時月到彈琴處月不能言解琴趣琴非

有意招月來月亦無心與琴遇我琴寥々太古音月色皎皎清人心世上知音有如此鑄之何惜千黃金吾聞山東李翰林金尊有月無鳴琴又聞柴桑陶靖節素琴有酒無明月何如有琴有月有濁醪神交千載李與陶遺世獨立何其高

題漁樵問話圖

江可漁山可樵山頭白雲手可招出門黃塵浩如海胡不歸來共逍遙何人寫此漁樵子咫尺江山千萬里船繫松根雙石頭山人伐木來相求相求未已還相問之不答心悠々子陵何為而辭漢太公何為而歸周賈臣何為而晚遇屈原何為而遠遊持我修月斧操君濟川舟天子不知名大臣不見收漁翁向樵還大笑今古同生不同調富

貴功名何足論與君盡醉長傾倒

題楮衾歌

任公子釣鰲龍伯宮爛々五色雲飛出搏桑東海若天吳失顏色河東美人織不得并刀剪斷紫霞綃八繭吳蠶空白白仙人王子晉騎鶴來人間手卷錦鯨去東入蓬萊山相逢會稽楮共聽西窓兩滿牀胡蝶花片飛夢中笑殺秦川女何人視草白玉堂青綾夜對官燭光豈如蓬萊山人醉眠日丈五獨擁八天谿藤霜

築城歌

隋有鹽官城漢無鹽官城唐有鹽官城宋無鹽官城荒城蕪沒知何代唯有東流水長在蓬萊清淺半桑田精衛年年塞東海前年無城禦邊漢去年無城機杼空今年長城

高百尺誰其主者陳元龍重門鐵鎖黃金鑰刁斗無聲夜
停梓七星挂城明月低萬戶千門慘清角何當四海車書
同蒼生樂育康衢中明年開城看歌舞城南城北春花紅

題白雲山舍為桑孝子作

始知慈母心磊磊高山石欲知慈母操青古岩柏阿母
生兒纔十年空山別鶴悲離弦兒今讀書母身健績麻夜
坐明鐙前父昔生兒願兒好兒心一寸春暉艸母在山中
父在天結廬長在白雲邊

桃花馬

吾聞古有穆天子八駿西行日千里何年下浴瑤池泉滿
背落花飛不起月氏貢入光明宮天閑十二皆春風東方
小兒拍手笑曾識崑崙千歲紅白玉鑿蹄金絡腦一點明

霞落煙艸征南將軍天上來時人稱是真龍媒房星照地
春如海會見論功朝玉臺

舟過采石儼弔謫仙風雨所阻弗遂

砲車雲興大風作收帆夜傍沙洲泊春陰遮斷蛾眉亭不
見蛾眉鏡中落欲弔開元李謫仙錦袍一去三千年如何
古時月不照今人船自從捉月上天去不知月落歸何處
月照人間無古今江流不斷天沈乾坤清氣古亦少大
雅遺音向誰道白也明朝知我來放出蛾眉翠如掃

舟中醉歌示同舟友人

歌越調唱吳謳南風吹過黃蘆洲前船後船相逐起聯
翩鳥啣尾前船相開後船喜不用愁風更愁水采石有
酒江有魚買魚沽酒歌鳴擊唾壺人間此樂曾

有無

題鐵柱觀

鬼斧鑿竅開洪濛平地涌出蛟人宮地脉上與星河通一
勺活水藏神龍想當鍛鍊昆吾鐵祝融噓煙走列缺穹然
一柱閉靈穴萬劫天風吹不折旌陽上天去不還安得化
鶴來人間西南地折鎖連環永鎮

王國安如山

題松竹軒

蒼髯丈人偃蹇而瑰竒此君高節能配之平生共持金石
操晚歲不改冰霜姿閩南劉侯好清古天風吹入洪都府
半空清籟奏笙竽九夏涼陰覆窓戶吾聞松根生茯苓服
之可以延遐齡又聞竹間棲綵鳳一鳴可以開太平劉侯

劉侯世所重大才會入明堂用不然截作任公之釣竿金
鰲一掣滄溟動

題徐隱君清樂堂

泉冷 = 石鑿 = 在山泉清出山濁人生何如在家樂南州
高士不復作北岡有孫甘淡薄卜居長年老丘壑東家買
雞 = 被縛安識昂 = 九霄鶴我來南昌古城郭幾度題詩
寄江閣麻姑酒美魚可所未登公堂同一噓先遣飛廉寄
寥廓

題義雉圖

東海有二雉相逐潮頭飛一雉忽墮水羽翼何紛披一雉
回旋扶不起喙 = 叫群驚未已須臾二雉東南來挾之同
入青雲裏嗟爾禽鳥尚同心何況朋類不如禽

送羅生之吏部

魯陽莫駐西飛日精衛莫填東逝波滄波無情白日短柰
此西飛東逝何南昌城東羅孝子捧檄還家二親喜一夜
江頭春水高片帆又逐南風起兒有宜男艸種之北堂前
兒有崑崙桃介壽三千年朝盤鯉魚白如玉明年兒歸當
食祿白日可駐海可填兒心報恩同昊天

東汾書舍

吾聞天台之山四萬八千丈連岡疊嶂如游龍金鰲屹立
東海上東汾更在金鰲東開元謫仙好孫子宦游卜得佳
山水讀書聞有宋諸郎遺愛尚傳唐刺史古人不復作悠
悠令我思至今東汾月挂在珊瑚枝我來豫章城解逅龍
門客示我東汾之畫圖丹霞翠霧仙凡隔安得與子騎鯨

魚拾得東海明月珠試問蓬萊花鳥使弱流清淺今何如

題罔極詩卷

華蓋山頭白雲起孝子呼天淚如水夢隔庭闈四十年心
懷丘隴三千里白日短三雲無根有身莫報罔極恩寒食
梨花一柸酒幾家墳上見兒孫兒今食祿司成館俯視長
江流不斷長江不斷深復深何如孝子罔極心

題樵雲

請樵停斧柯聽我樵雲歌問樵住何所乃在山之阿朝樵
林下風暮樵谷中兩林風吹我衣谷雨沾我屨何如白雲
深處棲采樵不離雲東西有手自操修月斧有足能躡登
天梯山頭膚寸崇朝起從龍化作天瓢水一洗八極黃埃
空隨雲復歸岩壑裏若有人兮被女蘿扳崖度嶺無風波

世間萬事浮雲過樵雲樵雲柰爾何

贈揭學士孫和仲

劍江之水綠于酒夜三清光射牛斗龍泉太阿飛上天寶
氣千年應不朽揭陽孫子玉無瑕云是前朝學士家藏器
待時須努力豈無雷煥與張華

次韻

祈連山頭落日低黃雲萬里天冥迷江南已見雁北向塞
上遙聞烏夜啼南北相望春夢杳可憐日月籠中鳥霜高
沙磧劍衣寒月墮穹廬角聲曉憶昨公館春茫手援綠
綺彈宮商得句共誇何水部知音多識蔡中郎神交有道
不可忘至今翰墨留餘香丈夫豈無一掬淚不學兒女情
徊徨黃河之水東入海別意更比河流長河中鯉魚有書

信時復幸寄瓊瑤章

壽容齋

鉛花洗空霜倒飛金鴉浴海迎朝曦蓬萊宮中青鳥使
得玉桃天上歸東海仙翁紫霞會碧落回風響環佩伶倫
玉琯吹鳳皇夜半九地回初陽羲和緩轡紅線長群仙年
年飛羽觴六甲明年重建子六周天自今始

題餘慶堂

請以漢谿水注我流霞觴奉君以瑤池千年之桃實贈君
以玉兔萬杵之玄霜春風花開餘慶堂鶴髮倒映青銅光
阿翁手種兩松樹黛色已見參天長子今宦游天一方
下思見斑衣裳豈無雙鯉魚路遠不可將但有一寸心直
與漢水流湯漢水東流入東海餘慶繇鎮長在

巫山高

巫山高：入天峯頭一：相鈎連上有朝雲萬仞之飛鳥
下有暮雨三峽之啼猿有美人兮山之顛風裳月佩秋娟
娟懸崖歷澗不可見翠霞參差出宮殿須臾吹起大王風
朝雲飛散暮雨空依然十二青夫容

壽友人

丹丘仙人頭雪白玉宇高寒棲不得天日之陽多翠微却
跨黃鶴江南歸山田有秣澗有水鹿車同輓青山裏龐公
以安遺子孫足迹不蹋襄陽市少微之星白煌：直與南
斗相低昂東方小兒骨未銳玉桃親見三千歲安得左持
桃右持觴祝公壽登公堂天台山高四萬八千丈願公與
山同久長

芝原為富春馮孝子作

大樹將軍之子孫何年葬父靈山根仙翁騎鶴去不返但
見紫芝燁：生靈原叢：一杯土上天應念兒心苦千年
石室發幽光得見靈芝如見父人言服之可長年安得靈
魄登飛仙芝生在地父在天鶴歸夜：山之顛

題桂林榮遇圖

白髮劉郎江右住高堂大字書榮遇借問何因得此名向
人指點門前樹年：八月金粟開云是仙翁親手栽異本
定從天上得清芬應自月中來只今繫馬長安道夢想故
園秋色好匡廬青歷九江深翻笑淮南山：小艸木之生
關盛衰百年培植當清時寄謝子孫母剪伐青雲留取最
高枝

高枝

金谷園

金谷園

金谷園中春蕩，四十里圍紅步障。萬斛明珠換綠珠，纖歌半落青雲上。刀擊珊瑚碎玉飛，當時豪俠世所稀。撞鐘考鼓夜復晝，二十四友相追隨。一朝蹀血河陽市，絲華總逐東流去。鸚鵡明朝錯喚人，梨花滿地愁如雨。

王子喬

天上迢迢白玉京，仙人吹笙學鳳鳴。七月七日緱氏山身騎白鶴來人間，遨遊青天去不還。

王子喬好神仙，呼吸日月凌雲烟。吹笙學鳴鳳，遨遊太清天。翩然跨鶴來，緱山七月七日遊。其間空歌一曲綵雲外，長謝時人去不還。

相逢狹斜行

相逢狹斜路，借問遊何處。男兒不戀家，西上長安去。大車駟朝出，關小車已沒雲中山。安得兩輪生四角，遠遊不及還家樂。

送人之京

夜聞秋雨聲，朝發鹽官城。大帆夾雙櫓，長歌泝空明。始經女兒谿，漸次鴛鴦浦。手折芙蓉花，含情向誰語。吳江渺煙樹，七十二峰前三高祠下。泊醜酒晚涼天，望月垂虹亭。楓橋少延佇，寒山夜鐘來。鄉夢初回處，鳥啼闔門柳。鹿走始蘇臺，笑指五湖水。鴟夷安在哉，且酌惠山泉。還過惠山曲，煮茶問陸羽。遺經有誰續，風波不可渡。竟舞揚子津，回車丹陽道。白日無停輪，長揖大茅君。丹霞滿空谷，欲采松根苓。况乃嚴程趣，逶迤遵廣路。浩蕩觀龍河，矯首丹鳳闕。青

雲鬱嵯峨賢臣四方來劇談堯舜學鴻毛遇順風脩鱗縱
巨壑夫子天機深常有飯溺心擬獻金鏡錄行陳大寶箴
拂拭鏡中霜登朝未云晚懷寶固有時勿念關山遠願為
瑚璉器為君登廟堂願為松柏姿為君充棟梁西風吹芡
衣執手情何極有使即寄書無使長相憶

送人赴燕山

神仙中人不易得三花云是神仙術一花一葉著奇芳說
與世人俱不識阿翁生子七生孫南北醫傳良相門一色
杏花隨地種百年大樹至今存憶自六飛南渡後玉帶金
魚賜高手號國曾聞扁鵲來上池何待桑公授鹽官故家
遺慶長壘篋迭奏含宮商東漢中郎知郭泰長安女子識
韓康仲也敲門來話別大帆直指燕山月星漢遙通析木

津關山正及梁園雪紫塞霜高鴈背寒酒酣上馬駝裘單
一匕神樓須報捷早憑南使寄書還

題金壘半峰白雲圖

我酌酌金壘遙望金壘山半峰不可見乃在白雲間它山
豈無白雲白何言茲山有離色兒在天西母在東千里看
雲兩相憶吁嗟乎金之壘兮不可以挹酒漿安得持之登
北堂注以阿母流霞觴醉呼仙人魏伯陽授爾寶訣長生
方母子相看顏色好不勞望雲悲遠道

題漢水幽居

有地不可縮有山不可移如何孝子心日夜思漢谿漢谿
水深清見底中有鯉魚丹砂尾白頭慈母在高堂汲水煮
魚甘且旨兒心願如谿上泉母身願如泉中之青天蒼

蒼兮泉涓天泉相依無極年

小引一勻泉

我池小于盎中有一勻泉泓渟若無底湛然見青天白雲
忽飛來下上相回旋引領意无限我心與之然粲三黃金
鱗如藏九重淵數罟不相及縱心濯清漣千古濠梁趣于
以樂長年

劉氏殺虎行

劉平婦夫戍零陽夜逢虎婦操白刃向虎前寧與夫死不
與虎同天夫死虎口虎亦歸黃泉嗚呼劉平婦壯氣烈
垂千年

左顧龜

餘不候放龜餘不谿上頭龜行盤跚向中流裴回三顧謝

餘不黃金本是無情物鱗介感之思報德孚及豚魚天弗
違不然何得三鑄左顧龜

挂劍歌

延陵季子珊瑚鉤徐君見之心欲求千金之重價莫酬季
子以心結綢繆徐君在墓劍在腰解劍挂樹風蕭蕭人生
知己古亦少吁嗟延陵安可招

題山水次韻

我昨夢入丹霞城中猿鶴夜不驚仙翁樓觀在咫尺白
玉作臺雲作屏中有一人眉宇好翳鳳駘鸞碧雲杪臨風
贈我瓊瑤辭朗若華星照秋昊平明起向畫圖邊夢耶非
耶心惘然安期先生度瀛海一笑解后東南天別來未覺
紅顏老世間萬事邯鄲道安得同登四萬八千丈之天台

歷覽西華超東萊玉桃千歲儻可食好寄麻姑書信回

題鴈圖

一鴈觸羅網郡鴻中夜驚彼物尚如此何況弟與兄蘆花
霜白天冥冥水寒月黑祇長更豈不聞玄圃昆侖有琪樹
鳳皇長棲最高處

題松石齋

撫長松坐盤石松頭白雲如繭白丹光夜夜穿樹林松下
千年生琥珀長鏡木柄古苔青定擬天寒斲茯苓一曲瑤
琴分半席月明細和風冷

為雲谷隱題謝周小兒卷後

登山莫采連城玉雲卿有子萬事足入海莫探明月珠雲
卿有子知讀書五男二女古亦少卿家得之如得寶大者

筋力強幼者顏色好問之何能得如是周郎家有長生艸
雲卿食祿今八千探囊謝醫無一錢此文可比柳州傳報
以遠大非空言

贈魏將軍歌歸餘杭迎母

魏將軍乃在碧海之東隅身長七尺頗有須手提昆吾鐵
照耀蛟龍居丹心報明主日向轅門趨有家天柱下白
髮暮倚閭將軍起聞城上烏夜返哺鳴相呼木蘭之舟
藍筍輿遠迎阿母同懽娛西海有蟠桃東海有鯉魚南海
有珊瑚北海有明珠桃以延母千年之遐壽魚以薦母百
味之行厨珊瑚妝母之寶帶明珠繫母之羅襦歌鳴擊
唾壺人間母子曾有此樂無嗚呼人間母子曾有此樂無

望思圖

望雲在眼思雲在眼在眼雲易見在心雲更深雲棲
向何處不離墓前樹兒心無時窮雲聚還復去思親顏與
言見親栢與圈近望見白日遠望悲黃泉兒今在遠道夢
想樓居好還山會有時灑飯墳上艸

送雲季昭

昔聞軒轅紀官以雲名今見錢塘雲卿之弟兄弟留江南
兄在北兩地共坐寒氊青先生豈是悠者氣高不甯居
人下黃河倒卷上青天開口何曾讓班馬平生交義重如
山注意傾情不作難男子當圖匡濟事人生豈歎別離間
屈指九年何草杏花壇上青春好諸生隊占鰲頭多
士翮騰鶚表先生與予交有道每一相逢即傾倒負郭
寧無二頃田恨身不向監官老雲夫子聽我歌買臣富貴

年已過功名到手苦蹉跎洪濛開天聖人作神龍出河龜
出洛先生竒才玉在璞願如陽城登太學大江水落秋冥
冥送者既醉行者醒請從天上看除目白鴈前頭須寄聲

題望思圖

蒼梧九疑勿言遠不隔孤兒望鄉眼洞庭七澤勿言深不
滿孝子思家心孝子故山何所有壠上烏啼白楊柳十年
歸夢夜窓鐙千里它鄉寒食酒築得樓居近墓傍空山落
日暮雲黃歲晏天寒賦歸去雪後北堂萱艸長春暉茫
天地老一望一思何日了桃花谿上飯胡麻願母長年顏
色好

代道士作

鏗鳴鐘考朗鼓尊前試作胎仙舞金鰲背上三蓬萊碧窓

九見琪花開醉來大叫安期老袖中笑索如瓜棗折花送
子青雲道別後長令顏色好

題湘妃和韻

白月無聲老蟾死九點螺鬟墮秋水哀弦五十繞青空晚
霞明滅茜裙紅淚痕夜泣幽篁中翠華南巡信不通紙錢
獵挂霜楓五色雲間回兩龍

十四日與友人月下共酌

好天良夜不易得今宵月圓當二七呼兒舉杯招月飲月
落杯中寫瓊液杯行到手君莫停明朝未卜陰與旻但願
花前同見月夜長圓莫教闕

聽沈童子彈琴歌

沈童子玉雪顏年十四彈猗蘭手持三尺鳳皇尾南窓一

拂南風起明珠落走瑛盤碧澗冷寫秋水近傳一曲
度關山變徵移商頃刻間落盡桐花三日雨令人側耳竟
忘還

燕中老人歌

桐花半落南窓雨三尺枯桐瘦蛟語燕山老翁雪滿顛尊
前相見說當年向人解唱清平調玉碎崑崙鳳皇叫一聲
飛空過綵雲此曲不許人間聞爾當更為歌一闋贈示西
湖歌明月

題李生環玉軒

李公子來自西崑崙于闐河中白石子何年移植蒼山根
碧雲四合不見日入窓空翠涼紛得非伶倫氏采之貢
軒轅軒轅臺上調六琯吹得鳳皇五采相騰騫鳳皇城中

鳳之穴結巢下啄青琅玕李公子何翩翩伯也如珪璋如
璵璠何不披腹排天閣森然玉筍聯朝班不然借我截為
任公之釣竿一掣海水金鰲翻明年二月春水渾我當挈
舟扣卿門香風堂上振環佩春兩階前羅子孫卿當贈我
青瑤琨何以報之雲錦文卿家令弟未相見寄謝此君須
會面

離巢行贈博谿姚氏

姚家谿南有高樹雙離飛來復飛去年結巢生好雛
大還來故巢住主翁朝出見離飛主翁暮歸見離棲離聲
日報主家喜主翁不惜高樹枝樹大枝高離巢在驟雨顛
風終不改

送黃千戶還台州衛

天台山高入天此地自古多神仙穀城黃公好孫子豹畧
龍韜有如此朝餐赤城之紫霞夕飲丹池之玉醴今年分
守鹽官城天風嫋吹華旌星河萬里入東海島嶼不聞
刁斗聲方秋復上天台去即是桃花舊時路華頂峰頭月
正圓依然挂在珊瑚樹鹽官父老紛如雲出城走送黃將
軍鳴笳疊鼓動離思一路好山相送迎唱吳歌勸吳酒十
里一亭五里一堠天台山高入南斗將軍之名同不朽

題蘇武還鄉圖

北風何烈孤臣持漢節蕭蕭匹馬鳴灑淚河梁別李陵
臺北望關山十九年中一日還歸拜茂陵松柏下鄉人驚
見鬢毛斑漢兵萬里窮沙漠遣使和戎慙衛霍留得千年
太史書中郎將在麒麟閣

送百戶張文勝之台州時營造城門

張將軍乃是留侯之子孫妙年壯氣凌青雲而翁奮迹龍
虎衛從戎萬里天南去將軍世祿襲奇勳分鎮夫差射潮
處身騎駿馬白雪毛手提三尺昆吾刀天吳海若不敢動
馮夷伐鼓回秋濤海昌城頭鳴夜柝海昌門是將軍躍馬
識平生一片心露寫金盤冰出壑昨日城門開將軍躍馬
來今言出門去駕言上天台天台山高四萬八千丈明月
挂在瓊臺上回光還照海昌城夜東西兩相望

題沅陵朱指揮蒲萄瓜圖上有天曆之印

博望昔使西南夷蒲萄瓜實何離傳來中國數千載天
曆畫師曾寫之沅陵將軍好事者此圖本自蒼梧野大宛
種及燉煌何異按圖求駿馬吾聞蒲萄可釀酒瓜硤能

延年方今 王化被八埏將軍將軍今張騫

送彭仕貞歸漣川省親

岸芷兮汀蘭風蕭兮露溥彼美人兮于焉盤桓山川
悠兮路漫嗟鴻鴈兮隔雲端又歌曰汀蘭兮岍
芷風蕭兮露溥彼美人兮于焉棲止山川迢兮路
千里嗟鴻鴈兮隔雲水

送張泉百戶之京

張將軍真丈夫矯如冲霄決雲之快鵠捷如追風掣電之
神駒昔年倚劔醫無問披甲上馬擒单于論功分鎮東海
隅紫氣直貫蛟人居前年手把金僕姑白日射殺三於菟
去年捕賊黃道湖綠林豪客一掃無張將軍才且武奏鳴
笳喧叠鼓杏花團雪風雨晴東風夾道吹高旌我徒我旅

馬前拜共爰將軍如父兄長安道上聽馬聲願留將軍再
守鹽官城

禱雨有感

去年六月天不雨農家到處憂禾黍縣公一念格天心三
尺甘霖蘇下土今年不雨夏徂秋縣公惻怛農心憂西潭
朝乞白龍水東井暮檄烏龍湫四山雲興龍出穴一夜滂
沱洗炎熱縣公有祿農有租喜雨亭成碑可揭使天雨玉
復兩珠飢不可食寒不襦我今歌詠豐年屢大書特書不
一書

夢遊廬山歌

我有紫霞想夢遊匡廬峰仙人凌絕頂手掉金夫容夫容
亭：九天上疊嶂騰：涌波浪五色雲中白鹿鳴三更海

底金雞唱懸崖瀑布從天來匹練倒界青天開高人似是
陸脩靜邀我石磴行莓苔九江秀色可攬結欲跨長鱸捉
明月望斷蓬萊青鳥書琪花落盡無人折飛身上挹香鑪
煙坐我九疊屏風前翻然拜手招五老一笑彷彿三千年
松風冷：吹夢覺鶴背高寒露花落早知此境隔塵凡只
合棲神向丘壑何人寫此江上山雲山與我心俱間明當
會碾颯輪去長謝時人竟不還

長平箭頭歌

戰長平四十萬人同日坑古苔蝕血銅花青千年金箭摧
白翎空遺黃金鏃不射秦時鹿西出咸陽門哀：鬼夜哭
題羅浮仙人便面圖
我有齊紈之扇面大如青天之玉盤中畫羅浮古仙子風

裳月佩如飛鸞十月江南花信早孔雀屏前春浩：願持
此扇朝暮看一輪寶月長團：

貝宮夫人

海宮瞳：紫貝光瑤妃叫月歸龍堂金蚪蜿蜒翼兩傍手
弄真珠白煌：天寒北渚采瑤芳窈窕宛若驚鴻翔湘南
老竹泣娥皇二十五弦秋夜長

秋思

西山日沒東山紅白蟾夜浴天河東望舒逸駕碾晴空銀
淋風葉墮疎桐美人團扇辭漢宮流螢稍：入房櫳空闈
搗練夜未終關山夢長啼早鴻

贈峽川僧

玉堂學士文章好夙昔與師交有道朝罷揮毫寫贈言師

也得之如得寶我亦前身支許流十年不見紫薇秋白頭
未了看山債安得杖藜同一遊

又

吾聞紫微山上應紫微星山中有僧寶趺坐香華亭矍然
玉立雙瞳青閱盡西方華藏經潮音動地天籟作海上魚
龍皆出聽靈鷲西來有黃鶴重：無盡開樓閣月華先照
妙高臺光明雲繞加沙角

題了菴道人魏

吾聞伯陽鍊丹金壘山丹成上天去不還夫容伏火絳泥
冷空有寶訣留人間神仙中人不易得今見其孫有仙骨
手把參同一卷書此書云是傳家物往年騎鶴上玄都袖
有龍虎真人之畫圖雲窓霧閣在咫尺萬里何必尋方壺

歸去西湖飲山渌一榻了然心自足琪花滿地雨聲寒為
爾高歌洞天曲

題王繼賢山浦樓詩卷

豐城客子王季友復有雲仍繼其後我來五載寓鍾陵每
想憑高摘星斗樓居宛在城之西中有百尺青雲梯西山
南浦望中見飛雲捲雨天暝迷滕王高閣今何在唯有江
山留勝槩昨夜神龍挾雨來洗出波斯萬螺黛我欲笑拍
洪崖肩飄然駕鴻凌紫煙俯視東溟一栝小門外黃塵空
擾

題王得賢槐陰堂詩卷

三槐何鬱鬱云是晉公栽自從栽槐後二郎登上台後世
佳孫子買地亦栽槐我願子孫多種德莫負當年王相國

種葵

東園種葵葉長中有寸心傾太陽去年采葵花萼少今
年斫葵根本傷但得中天太陽在葵根縱傷心不改

采蘭

陟幽澗兮擬崇蘭萑藟兮路嶮岼思美人兮淚汎瀾心
搖兮兮不能餐采芳兮寄遠望佳期兮日晩日云晚兮霜
露多蘭兮蘭兮柰若何

題馬圖

玉花驄氣如雲画史只數曹將軍將軍画骨不画肉韓幹
画肉神不足此圖與曹略相似逸氣雄姿有如此何當掣
斷青絲繮任渠蹴蹋天河水

題雪心上人画梅

不見雪心人鐵心花更好雪心人寫鐵心花京路緇塵向
誰道夜深天女散花來縞衣飛下瓊瑤臺鐵心如石不可
轉雪心如玉渾無埃

送人之京

烏啼山頭日杲三丁蘭井上桐英老徵書催起孝廉船慈
母倚門兒在道楊子江邊多鯉魚一日兩潮須寄書五月
臨平蕩花發臨風送別意躊躇

送張稅使

朝看長安花暮折長安柳三條醵色黃映我杯中酒君車
上天去我笠歸山中今朝一分手它日還相逢相逢須下
車相見須下馬有使過長安寄書虹橋下

小姑

漠漠山隔霞冥冥水涵天舟人起相報行過小姑前推篷
問姑不語不省姑年今幾許姑云獨立大江濱一生不
躡名利塵媿爾東西南北人

送臨海張司訓

天台山高四萬八千丈我昔飛夢遊其間天雞二唱海色
動瓊臺銀闕高暫碧留侯之孫江海士磊落襟懷有如此
三年把釣掣金鰲文采珊瑚湛秋水子居東越我句吳一
朝解后青雲衢得魚賓館休彈鋏挾策王門且曳裾二
月江波綠如酒我亦張帆大江右洪崖山頂望春晴一度
相思一回首

贈別

正月二月春風來桃花李花猶未開故人酌我一杯酒恰

似漢水蒲萄醅解后關西好孫子磊落竒才有如此況有
能詩何水曹尊前談笑清風起揚子江頭春水生一帆東
指盪官城明朝我亦南昌去長倚香鑪望晚晴

落星石

落星石何磊：既不補青天又不填滄海屹立中流竟何
待銀河一水夜迢：胡不上天橫作橋

送萬玉潤往杭州

朝看玄都花暮折洪都柳笑拍洪崖肩醉酌麻姑酒槐里
堂上好弟兄去年相別鳳皇城却憐春艸池塘夢飛過南
州孺子亭浩飲酣歌復相見白頭頓覺身強健此地豈無
新相知新知何如故交面伯也買牛歸力田仲也又上東
吳船我家正在南斗下卜築艸堂滄海邊荷葉圓時君定

到一段離情向誰道稍待秋風白鴈來便中先寄烏紗帽

梅竹軒

徐卿自是麒麟駒當軒種樹玉不如雪後疎花映脩竹倚
竹看花仍讀書縞衣仙人心似鐵翠袖天寒更清絕歲晚
能全金石交平生不改冰霜節邇來將跨葛陂龍翩然直
上珠崖峰與卿別後相思處好在黃昏明月中

題扇贈萬玉立

枇杷雨足風日清故人別我豫章城相思一日復相見使
我白髮生千莖章江碧樹三十里馬蹄蹴蹋青雲起問誰
此地最知心槐里堂中好兄弟

泮浦書堂

上山逐翠羽入海探明珠翠羽出南粵何如阿翁築堂兒

讀書翁昔有堂臨泮浦群山如龍青入戶弦歌聲繞五羊
城直把番禺作鄒魯仙梯曾躡廣寒宮教鐸來振東湖東
昨者是王門一相見襟懷磊落生秋風何當借我端谿硯
醉墨淋漓寫詩卷生男但學梁伯鸞翠羽明珠何足羨
送鍾孟振服滿之京

豫章城中頭白烏結巢樹頭生好雛一朝雛飛上天去夜
夜思歸故巢樹故巢樹老何所依葬烏在山雛乃歸雛歸
啞三不見母三年淚灑墳前土雛今振羽挾青雲五色鳳
皇同作群上林有枝風日好雛兮上天當及早

贈峽川僧

山色谿聲語未終朝天又拜紫泥封蒼苔林巾灑甘露犀
牛扇低揚清風我亦平生愛山野師今共結束東林社稍待

枇杷春雪晴乘閑來借支郎馬

題夏珪畫

三日大醉喚不醒夢到九疊夫容屏兩崖中斷寫飛瀑匹
練界破青天青高人似是陶與陸坐聽松聲飲山淥覺來
忽向畫中看回首秋雲滿岩谷

送繼甫之京

爾祖文章妙天下前朝教價高班馬黃金有像鑄莫成白
雪無弦和應寡我識若翁東海邊與子論交三十年茅屋
蕭蕭坐風雨布衣落棲林泉九重詔下徵賢士眼中
之人得吾子鳳鳥及時當一鳴神駒墮地須千里官船十
月度龍河有信還憑白鴈過聖德如天無遠近除書早
晚定如何

和朱彥倫教諭題山水障歌

蓬萊仙人居五城六鰲戴山波不驚
吮豪池頭闔畫史掃
靄驅烟移翠屏城中無山愛山好
凭軒迴出秋雲杪似有
青猿隔薜蘿直疑白鶴回穹昊
此中逸興浩無邊流水桃花
心杳然括蒼先生偶相過
想像石門之洞天石門洞口
松花老中有飛泉來一道
丹崖拔地千仞高玉筍凌空衆
山抱軒轅騎龍登上台下視
培塿皆蒿萊從今慎勿念鄉
里一日看畫須千回

楊子江阻風戲東同舟諸友

金焦兩山青突兀人言下有蛟龍窟
颶風吹浪打船頭白日低
昂天倒流安得列禦寇三清八極同遨遊

送王河泊

楚人歌竹枝吳人歌白苧寄言黃帽郎
停舟向江渚江渚清漣漪江風吹客衣
三載一朝別寧無千里思子乘道上
車我戴山中笠它日若相逢還當下
車揖雩陽好山水三江接龍門願託
雙鯉魚時時寄平安

望雲軒與太學生焦思齊賦

白雲何重：乃在蜀川之西夫容之峰
太學儒生念慈母望雲千里心忡忡
朝望雲在西夕望雲在東白雲有聚散
此心無終窮兒昔在家時手種宜男艸
阿母倚堂門看花顏色好兒今兩年
不得還夢裏猶懷蜀道難秋風吹夢渡
江去飛繞太白蛾眉間意匠經營勞畫史
別情深似巴江水丈夫當學狄司空
讀書莫忘孝與忠

題文昌圖

星中之君號文昌開闢造化分玄黃脩髯玉立頽而長黼
黻雲漢昭天章駕風鞭霆遊八荒下視九點烟蒼我欲
從之翔且翩翩然騎雲朝紫皇勾陳玄武森在旁呈琅玕
兮沐恩光是用作歌孝友張福我壽我期無疆

一天秋月為侯少府作

仙人高居離華峰手把五色金夫容駉鷲翳鳳朝九重翩
然出入蓬萊宮軒轅上天騎白龍群臣泣抱烏號弓八年
鴻臚贊翊功帝命出佑天南東鳳城百雉盤脩虹海水
直與銀河通仙人披錦袍玉立冰壺中笑呼東方白兔公
周覽八極氛埃空廣寒三萬六千戶借問誰持修月斧上
界清虛隔風雨應知照見顛崖苦兒寒思母衣兒飢思母
哺莫向人間照歌舞為天作眼萬古

題蘭雪軒

魯連解世紛談笑却秦軍功成蹈東海千載揚清芬皎
天上雪可以比高潔英三谷中蘭可以喻清節開元供奉
李謫仙神交倜儻知仲連一歌清風灑蘭雪讀之使我神
飄然鳳皇山前隱居者水石軒窓亦瀟灑何時酌我蒲萄
醅大笑長歌呼白也

望三茅山

吾聞句曲三洞天此地徃多神仙三茅兄弟鍊金液何
年駕鴻凌紫烟大峯小峰青可愛中峰更在丹霞外似聞
碧落度笙簫彷彿冷風振環佩停車一覽心神開忽有白
鶴從東來明當借我上天去手把夫容朝玉臺

鵝湖舟中玩月四月十五夜

團：三五月挂在鵝湖東方舟泛流光坐我青天中低頭
看月：在水倒影嫦娥呼不起三更露下苧袍涼恍然濯
足銀河裏城南斗酒真珠紅與月共醉蛟人宮醒來月落
不知處張帆且趁清明風

題梅花村民為嚴司征作

我昨夢入梅華却清晨有客來扣門為言渝川一佳士貌
比玉雪清而溫平生愛種羅浮樹彷彿羅浮洞中路積雪
擁門三尺深漁歌樵唱無尋處主翁杖策何逍遙出門一
色皆瓊瑤縞衣仙人夜相訪綠毛么鳳鳴交：寄言渝川
士何為自慕村野人調羹不入商家鼎止渴不給曹公軍
羅窓一榻延素月醉來自臥梨花雲我今尚被微官縛夢
中猶想却中樂憑誰喚起何水曹歲晚題詩寄東閣

梅月雙清歌為憲司經歷賦

羅浮仙人乃在瓊瑤臺炯然玉立無纖埃乾坤清氣不常
有白月飛上青天來常時見花不見月一色梨花雲萬株雪
只今有月復有花幕府夫容共清徹吾聞揚州何水曹東
閣賦詩清興高又聞孤山林處士詩名清似西湖水吁嗟
今夜月曾照古時人古今同一趣花月長相親冰為神兮
玉為質鐵石心腸人不識會當弄影舞婆娑花前重寫雙
清歌

壽樂堂為潘上舍題

陳綺席進華觴聽我長歌壽樂之高堂：中老人壽而康
金蘭玉樹森在旁世人但願生兒早兒未成人親已老惟
有潘家好弟兄親年未老兒長成綵衣朝：舞花影紅燭

夜：聞書聲進華觴陳綺席五福之中壽居一明年兒當
五鼎食人生此樂無終極

題具慶堂為趙叅議作

日出大梁城照見黃河清黃河清見底四海歌昇平紫垣
星高黃道正積善之家有餘慶平原趙公忠孝門食君之
祿承君恩承君恩食君祿白髮高年膺五福堂前大椿八
千歲架上群書三萬軸請以五色綫為補舜衣裳普令天
下人同登具慶堂愛日照：舒以長顛崖化為仁壽域萬
億蒼生賴蘇息

題清致軒

玉湖清水清徹底銅盤甘露甘如醴一洗胸中萬斛塵揮
毫濯以薔薇水坐中賓客且勿喧聽我長歌清致之高軒

聞道幽居最清絕人物似是瀛洲仙五峰佳氣鬱不散仰
見華蓋當中天朝：拄笏延爽氣空翠飛落軒楹前自從
負笈登太學借問不歸今幾年山猿野鶴豈无夢綠蘿夜
月秋娟：萬先生何磊落在山泉清出山濁手把夫容朝
紫皇下上青雲騎一鶴會當四海澄其源白日洗天風兩
作

題雷節婦

鳳皇丹山穴雌雄兩相依鳳兮一去不復返孤凰繞樹鳴
聲悲堂前有五桂一：青瓊枝維今文采生光輝飛翔阿
閣登天墀瑤池流玉漿玄圃產金芝孤鳳形影自相弔風
雨故巢終不移

贈張將軍

張將軍乃是留侯之子孫
英姿卓犖超凡群
帝令洗劍滄海水
東踰場谷西崑崙
捷如搏風之快鵠
矯若運海之遊鷗
我願千萬年海水
直與黃河清
海為濠山為城
四境不聞金革聲

東旭軒

我昨夢見摩尼幢
智幢道人忽相過
笑指東方海日紅
恍如東旭軒中坐
浮生擾擾大夢中
幾度金雞啼
向東百年三萬六千日
日出日沒皆虛空
道人還家見東旭
爾軒何異吾家屋
當窓寶樹唱天雞
隨地金沙接場谷
我今去蹋東華塵
曙色蒼涼朝紫宸
萬井轆轤霜滿袖
回頭却笑軒中人

豐城寶劍歌送李判簿之京

豐城雙劍如雙龍
何年沈伏泥沙中
騰輝夜半射牛斗
紫氣化為千丈虹
不逢張雷識竒寶
至今甘與凡鐵同
太阿龍泉雌與雄
玩之翕歛生雷風
開元供奉佳孫子
磊落竒才有如此
手提三尺陰山水
鷓鴣膏凝白鷗尾
一劍躍入延平津
一劍飛騰如有神
雙劍相離復相見
何況鄉里同心人
我歌雙劍篇
酌爾一椀酒
會行高步上星辰
有待雲霄重回首

椿憲堂為憲史張彥文作

吾聞廣成子
二百歲居空
同又聞麻姑仙
三見清淺蓬萊東
此皆荒唐何足道
不如靈椿與萱艸
靈椿得壽歲月長
萱艸忘憂顏色好
秀州孝子留侯孫
園有靈椿堂有萱歲年花開黃鵠觜
慈親白髮倚堂門
兒昔在家時讀書秋

樹根上堂問甘旨下堂候寒溫兒今高步霜臺表回望白
雲心慄慄但令一日簡書稀歸著斑衣舞晴昊豈不聞留
侯曾進黃公履歲晚相從赤松子千載雲仍有祖風移孝
為忠照青史

題畫

遠公昔住廬山下一十八人同結社到寺聞鐘即皺眉只
有柴桑姓陶者不知何人寫此圖風致還似東林無阿翁
手持九節杖一童抱琴不受呼令人古人同一調虎谿何
必傳三笑題詩寄謝香鑪峰待我來躡金夫容

聽雨軒為夏節兄弟作

朝聽西窓雨暮聽西窓雨暮復朝兄弟同笑語兩聲
一夜隔天涯兄在它鄉弟在家千里情牽湘水竹三年夢

繞錦城花吁嗟人事何草出門不如在家好在家聽兩
聲在牀出門聽兩聲在道原上不須悲脊令堂下不須裁
紫荊願言四海皆兄弟來向夏家聽兩聲

送別峯上人之京

我聞激江淨如練優鉢曇花世稀見千載高安古道場師
來重把犀牛扇先皇在時常引見詔許談經大明殿尚方
雲錦賜袈裟甘露天厨分內膳翩然卓錫雞鳴峰帝遣
渡栢來向東神機鼓舌走飛電玉塵到手揚宗風白雲在
天無所住塔前雙檜為龍去一夜呼龍入鉢來森然化作
唐朝兩五色絲綸下九天師今又蹋大江船山色谿聲何
限意總歸八萬四千言

題雲海

茲上人號雲海一脈曹谿鎮長在何年栝渡東海門拾得
海底珊瑚根上有六鰲峰玄靈結胚暉置之太華夫容盆
中有靈響含清溫靈泉貯空碧倒影莓苔痕上人臨流築
高軒平地幻出祇陀園繡經灑以甘露言寶花亂落青瑤
琨我亦平生好禪者十載夢遊雙樹下正思執熱濯清漣
何由借我支郎馬

峴山樵隱歌為二令劉克和賦

劉侯襄陽人自言襄陽好樵居卜隱峴山陽漢水一江流
浩：朝汲江上水暮樵山中雲拂石坐垂釣讀書行負薪
笑殺風流晉山簡習家池頭意蕭散小兒拍手唱銅鞮馬
上歸來不知晚更憶羊公墮淚碑英雄一代令人思鳴笳
疊鼓白日動千載以來如見之漢江之水蒲萄綠日暮行

歌大堤曲大堤女兒花滿頭把臂蹋歌：不足官轍東西
十五年前程如此隔三千夜來夢逐南風去直到龐公舊
宅前石田可耕山可屋瑤艸金芝滿丹谷功成它日賦歸
來我亦相從學樵牧

贈醫士郤士清

丹井西頭山澤癯平生愛讀軒轅書石田有芝養白鶴瑣
闥無佩懸金魚前年別我朝天去藥籠參苓隨所寓歸來
卜築兩山間繞屋杏花春滿樹木蘭之楫沙棠舟市上孰
知韓伯休一水相望五十里峽雲江樹思悠：二

題望雲圖

我家望雲二千里君家只隔一江水北堂豈無憲艸花生
男不得長在家願兒讀書忠與孝阿母看花長壽考母昔

在家時佩以宜男艸母今生子後慈顏長不老樹萱北堂
下葉書帶長兒年日以盛母壽日以康兒有崑崙桃壽
母三千歲兒有紫霞觴勸母花前醉富春水有金鯉魚富
春山有油壁車有車可乘魚可膾歲看花北堂背

送褊二令秩滿之京

我聞南州古南雄梅花庾嶺當春風乾坤旁薄毓神秀乃
有文章褊迪功三載作官東海邑頑夫能廉懦夫立胥曹
束手戒貪婪醜類革心俱辟易杏花二月春雨晴東風嫋
嫋吹華旌今年攷績之瑤京耄倪夾道相送迎使君此行
須奏最復見疲氓借河內

送百戶徐叔平之甘州

徐卿有子天馬駒從戍甘州十載餘白雲東望八千里夜

夜夢繞鴛鴦湖鴛鴦雙飛復雙宿湖中鯉魚白如玉腰下
能懸寶玦還水邊不用金錢卜左持張掖酒右進涼蒲萄
上堂舞萊衣暫脫戰時袍別家復向甘州去簡書有程那
久住鴈落黃雲塞上蘆烏啼白月庭前樹吾聞李牧今守
邊庭四境俱晏然椎牛饗士開屯田星河遠近同一天
願卿父子長壽考壯士不須憂遠道

送人歸省還京

朝望南山雲夕望北山雲游子在遠道時思見親憶昔
別家時父母年未老兒著五色衣上堂顏色好東市買白
苧西市買烏紗白苧製寬袍烏巾簪好花三年游太學讀
易司成館春暉一何長艸心一何短陽成弟子有何蕃優
詔特許兕南還堂前靈雉頻報喜飛傍宜男花樹間父母

聞兒歸黃色浮雙眉大兄聞弟歸出郭身欲飛小弟見兄
歸持觴細割黃金雞入門快意無不足城中少年徒碌碌
大江水落秋風生兒留三月還復行九天閭闔五雲近張
帆上拂牽牛星萬方冠冕朝玉京老眼復見黃河清黃河
清四海一願保千金軀比之雙白璧

送黃鍊師還天台

吾聞天台山高四萬八千丈中有玉平之洞天丹霞赤日
照林壑此地往來多神仙神仙中人不易得黃公之孫有
仙骨放浪江湖四十年春風落盡柳花碧海邊樓觀臨蓬
萊何年飛鳥從東來絲綸五色詔遺逸手把芙蓉朝玉臺
昔我題詩過方丈令我臨風倍惆悵不見遼東一鶴歸步
虛聲落青天上我有一掬淚不灑三十春但哭市井交何

曾哭仙人我知仙人長不死晝夜循環亦如此

送道瀾上人還天台

道瀾上人好文采舌如波瀾性如海犀牛扇子破多時留
得千年公案在別峰禪老日邊來金襴照日天花開皎如
一片秋水鏡置在七寶青蓮臺室中弟子多聞道見性無
如道瀾早結社曾邀陶令過論詩每愛支郎好飄然飛錫
向何方第一禪林古道場且對黃花談般若更留數日過
重陽

贈禪僧會

天目之山自西來群龍回繞青蓮臺千年翠氣鬱不散化
成樓閣重開上人自是僧中寶黃鶴峯前坐來好天風
吹動雜花林山色豁聲談未了昨者鳳皇啣紫泥潮裔却

度海門西海門月照白毫相濁水倒影澄摩尼我亦前身
許玄度半生頗有烟霞趣夜來八萬四千言笑對黃花獨
無語

題雙松圖贈司虞趙子瑛

吾聞泰華山上有千尺之長松白雲英。出其顛天門日
觀遙相通三更雞鳴海水赤羲和攬轡騎飛龍松下高人
坐盤石金芝瑤艸青茸。三年釣鰲東海上奏最去謁明
光宮棟梁之材當大用大夫不讓秦時封贈君此圖千里
翫長見青。齊魯東

題太古子為分水縣佐蘇侯賦

八風不動地軸寧六合無塵天宇清。聖人在位羅群英
千魯化為弦誦鼓蘓侯紹芳德弥馨邂逅黌宮舒我情笑

談霏。甘露灑意氣落。秋風生為言佐政分水城樓船
東下窺滄溟海門山水多奇異西通月窟東高麗天雞夜
半啼一聲壁采金光絢霞氣蓬萊更在天東隅欲跨颯輪
遊八區麻姑別去音信斷弱流清淺今何如太阿躍出豐
城獄斫斷三山巨鰲足九苞鳴鳳信有神結巢宛在珠樹
林雲窓霧閣應可到海若天吳安敢鎮山可登兮水可臨
嗟我白髮秋霜侵幸逢昭代寬且仁梯航重譯輸南金自
從天地一開闢凡有血氣皆親。我欲入海攀鯨鱗手探
明珠弗顧身安得昌山雙玉瑄吹徹太古羲皇心羲皇之
心萬。古且酌百氣蒲萄春

題貞婦胡氏貢姑

妾薄命向誰道生不學空中花死甘為牆下艸牆下艸生

不離家風中花泊天之涯
爺孃早亡阿弟死鄰下
呱遺一子婦守髮居不二天
形影相依心若水

送判府萬侯秩滿如京

南昌萬使君乃是東漢將軍之子孫
家有槐里堂世稱忠義門銳如豐城之寶劍
矯若滄海之遊鷗一旦雄才際昌運
三年出佐東南郡寒谷陽春化日長
玉壺夜月清冰瑩鴈背霜高江水清
雲帆曉發鳳皇城長安渡頭喧疊鼓
共輓官船留判府判府今年朝玉京
心知萬億蒼生苦建子之月梅花開
臘後春前侯復來天上應頒五色誥
馬蹄重蹋長安道

題虞太守畫

昨夜夢入茅君山
平明飛落秋堂間
一色夫容倚天碧千

岩萬壑何盤：蓬萊宮中青鳥使
忽寄數行雲錦字玩之使我神飛揚
排雲擬接冷風袂虞夫子瀛洲仙自與山別來
宦游南北今幾年金堂石室歲月久洞花谿鳥仍依然
采芝有田洗木有泉蘿月可席松風可弦山中之樂不可極
青壁有路何由緣會當攬轡清中原麟符虎節朝九天
西尋赤松子東揖魯仲連功成却賦歸來篇寄謝三茅君
此時我髮不再玄安得騎鳶下上相周旋相周旋鍊金液
摩挲老眼望時青更乞還丹生羽翼

定水歌

定水定水何曾定活水源頭本清淨
八風不動常自清一片渾如大圓鏡
老禪默坐古盤陀心如定水元無波
俯視長江一栢小朝朝夕汐相蕩摩無始
以來皆定業擾：勞

生千萬劫白頭它日挂冠歸重見一花開五葉

題望雲圖為太學生史孟彬作

兒昔望雲在天兒今望雲在天泉雲在天邊見有日雲
在泉下歸何年兒心一寸春暉艸阿母倚門兒在道太學
三年歸有程當時恨不還家早白楊日多悲風兒歸却
掃墳上松千駟萬鍾兒不願但願名書忠孝傳

篆書歌送胡士敬游同安

洪濛開天聖人作神龍出河龜出洛自從造化一中分鳥
迹蟲魚混冥漠史籀篆刻周宣古李斯書傳和氏璞漢魏
以來千百年字體紛紜互參錯我從洪都詢古學宗人避
逅滕王閣千金不售書滿橐燕尾蠶頭古釵脚鉤如強弩
點如石動為河流靜為嶽

親王召見墨池頭繭紙鸞戕縱揮霍晴窓白晝風雨來蛟
龍盤拏虎鳳躍吾宗意氣何卓犖翩然如跨揚州鶴今春
別我上同安七星已挂蒼龍角蘭舟輒向章江泊芻酒笑
傾銀鑿落人生交游無厚薄快意相知且為樂吳歌一曲
寫予懷目送飛鴻起寥廓

中秋

絳河帖：星不流玉露夜墮夫容洲仙家五城十二樓恍
然生我冰壺秋龍宮蓮花白浮：須臾涌出豫章溝舉觴
喚月：少留月不解飲令人愁少年綠髮今白頭六十九
度經中秋

望夫石

朝望夫不歸夕望夫不歸化為山頭石夫歸定何時妾身

化石尚可轉妾心如鐵無人知

焦仲卿婦辭

黃鵠上青天雌雄相頡頏妾年十四五學繡金鴛鴦父母
養妾在洞房寸步何曾出中堂嫁作廬江焦氏婦低眉不
離老姑傍春月浴吳蠶秋風織流黃烹魚朝具饌秉燭夜
縫裳不知姑何意命妾別廬江梧桐不復生鳳皇不得雙
郎心如石不可轉妾如蒲葦不可斷妾家有暴兄一旦來
相迎玉驄金絡馬軋車輪聲遣妾移所天出門無少停
暴兄安能知妾情妾今無故來歸寧女子足不踐二庭廬
江之水清冷吁嗟乎焦仲卿

從軍行

千金買紫燕百金買龍泉燕紫嘶白日龍泉倚青天凌晨

出門去莫忘庭前樹上鳥生三四雛年結巢來哺鳥

北山行送人還富春

北山：下艸堂開北山先生安在哉先生名與山不好何
異曾望尊祖徠子孫世居北山下況爾更多英俊才弟也
能通學劒術兄復能起讀書臺邦家之基在今日詩人所
宜歌有萊赤松亭前采藥去黃公洞口看花來棲鶴窠
海天碧白雲南望心裴回

紫薇花下

我非紫薇郎愛種紫薇花紫薇亦愛詩人家今年試花如
絳霞清晨看花心自喜中夜裴回月明裏不隨紅日上東
廊影過八磚猶未起

寄宋山人

青鳥飛來東海隅，
得雲中雲錦書。
中落三百字，
一字一顆鮫人珠。
三年不見蘭臺令，
別去亳州無好信。
楚鴻日夜嘆離群，
越鳥天寒棲不定。
近報卜居湖上頭，
木蘭為檝桂為舟。
明朝會買官，
餅酒醉眼看山同一遊。

梅窓為凱上人賦

凱上人南遊越王之古臺，
飛錫近自龍谿來。
雪晴戴笠走相訪，
為報窓外梅花開。
大庾頓頭春信早，
五葉一花談未了。
曹谿香水接龍谿，
鐵石心腸向誰道。
鐵中有黃金，
鑄出瑰音磊落之貞心。
石中有白壁，
琢出萃律暫碧之老骨。
何年移種龍谿傍，
影落加沙月到窓。
維摩帳底定初起，
天女散花春滿堂。
凱上人向何處來，
徃虛空本無住。
二千里外白頭翁，
三年不蹋西湖路。
山中猿鶴寄書來，
我亦相期看

花去

暮春病起

春日遲遲出暘谷，
桃花能紅柳條綠。
柳上倉庚催夢醒，
花間胡蝶勸人行。
綠窓剪刀金兩股，
剪吳羅對花舞。
對花舞為花歌，
百年懽樂能幾何。
但願長繩繫羲馭，
把酒留春莫去。

題風木卷為丁孝子賦

風在天木在地，
暫時會合還離異。
木在地風在天，
風聲不到九重泉。
丁蘭肖母曾刻木，
丁令化鶴歸何年。
我願風聲長在耳，
世世人稱丁孝子。
縱使木高千萬尋，
不及孤兒方寸心。

題趙子昂畫西馬為褚奉祠作

前朝學士趙王孫畫馬傳得曹將軍此圖骨相何所致萬
里來自西崑崙玄雲覆身蹄削玉霞鬣風髻電為目珊瑚
絡腦青絲纏遠戎牽來字天育雄姿矯當赤墀神駿不
許人間騎玉堂揮灑歲月久河南祠官今得之吾
皇仁化被八極騷衷驂駟數盈億日出日沒皆封疆求駿
何煩畫中索老我衰年髮已蒼惠養每思田子方何幸生
逢太平日歸放華山春艸長祠官藏之慎勿褻留取郢中
歌白雪

送寧上人住玉谿

寧上人乃是妙喜之雲孫西江一口吸不盡又向玉谿尋
白雲玉谿澗清見底千年派接曹谿水松風吹作海潮
音重樓閣凌空起到寺欣逢大閏年寶花如雨散諸天

有約中秋月明夜待余來問木樨禪

贈庸信菴上人建盧大夫橋

昔問盧大夫作橋長安市宛如青天虹墮影長河水一朝
乘風飛上天公無渡河公莫前老禪白雪垂兩肩金錫擲
地風泠然女媧鍊石不受鞭化為飛龍卧晴川我來脚踏
金鰲背敲歌敲落青雲外相如題柱最多情好結天風紫
霞佩

分題得海門洪濤送友人之閩

朝登東海門遙望博桑暎波濤浩無際推出黃金盆河流
九派來崑崙百川朝宗皆駿奔但見東南一花起匹練界
破青天痕魚龍乘時亦變化珠宮簸蕩珊瑚根初如峨眉
山西太古雪驚雷碾空地欲裂又如蓬萊巨鰲十五頭涌

起三山白銀闕中有仙人駕颯車遨遊玄圃蹋瓊瑤長風
破浪在咫尺直跨鵬翼凌天衢凌天衢度南海麻姑僅有
寄來書荔子船回早相待

莫望雲

莫望雲望雲：漸遠故鄉雲在心它鄉雲在眼雲在它鄉
眼何如故鄉心雲近尚可望雲遠思轉深人生誰無母子
心良獨苦峨眉太白青入天不及家山一抔土

望雲亭

朝望雲在東夕望雲在西如何母與子各在天一涯關中
去家數千里夢繞西湖一抔水回看天際白雲飛片：盡
從東海起雲近尚可望雲遠思轉深關山夜月三年笛萱
艸春暉一寸心劒閣縈回接雲棧太白蛾眉青在眼安得

爾雲化為五色衣朝：暮：當庭闈朝：暮：當庭闈不
勞望雲懷遠歸

烏程謠

我家昔在烏程住三百年來不歸去聞說烏程令尹賢移
家欲種烏程田明朝去買烏程酒東白堂前種楊柳：上
啼烏報五更排衙鼓動官馬鳴裏頭丁男應門戶莫待日
高：丈五

陽城耕雨歌

春雲陰：釀春雨荷鋤朝出三家墅艸滿南坡犢子肥一
蓑一笠雨中歸千頃水田飛白鳥雨足泥深梯稗少大樹
將軍好子孫輒畊隴上如龐老人間別有方寸心此地可
作商家霖先生硯田耕未了屋頭布穀鳴春曉

題鎮撫扇

將軍紫駟馬手輓青絲繮避暑向何處城南風閣涼夜半
金雞出賜谷東望博桑西若木不須強弩射潮頭萬里鯨
鯢俱偃伏新裁白苧雪花明手持羽扇清風生壯士吹笳
月如晝臥聽城頭報更漏

贈燕山老妓歌

燕山老妓七十餘少小蘇門城下居自言生長太平日
蹋徧江南西子湖水湖山近城郭五步一樓十步閣春風
酒舫載瑤箏夜月歌臺卷珠箔東家胡蝶過西家十里湖
波泛落花蘇小門嘶五花馬段家橋碾七香車早年傳得
伊州曲翠舞珠歌滿華屋芍藥春明和玉簫海棠夜醉添
銀燭一曲清歌一束綾歌聲上過流雲行韓娥齒讓瓠犀

白趙女眉妒春山青轉首絲華何草不道青春暗中老

悲白頭翁

白頭翁生長太平世吳歌楚舞少年時老來猶說歡娛地
歡娛地良可悲洛陽牡丹無故主金谷海棠非昔時千金
買花豈不好回首池臺變芳艸秋霜昨夜鏡中來花枝照
眼令人哀

題母子貓圖

大貓辨：虎豹姿小貓白：如狻猊辨者是母白者兒石
苔晝卧春暉：兒能跳踉母不知牡丹花前胡蝶飛薄荷
葉底酣晴暉小鬟谿頭買魚去月下敲盆呼爾歸豈不聞
東家韓盧知報主夜深防盜兼捕鼠

題楚江春曉圖

巴水雪消流浩：三峽猿聲啼不了舟人挂帆南斗低斑
竹林深雞唱曉大船小船相逐來小船先待大船開黃陵
廟前風浪惡小船還依大船泊共禱龍神拋紙錢狡極凶
惡聽巫言但祝遠人心地好烏紗巾上有青天

題茅山外史奔月卮歌

瑤池羿妃奔入月竊得丹砂鍊金骨何年躍入龍王宮千
丈虹光射銀闕茅山外史口懸河長鱷吸海翻白螺夜半
銅仙泣秋露化為萬斛黃金波空歌笑落瓊臺表傲睨乾
坤一栝小月中若許築糟臺我亦騎鸞天上來

題馬公肅墓池瑞蓮

種花莫種忘憂艸馬家池頭花更好去年一栝生兩房兒
在潁川歸故鄉兒歸見花不見母一寸心如蓮菡萏苦也知

天與好兒孫戢：青頭聯牖戶么荷恰似小兒拳迎門索
棗當母前勸兒食蓮須食蓼辛苦讀書知味少願花並蒂
年：開一度看花兒一來

題梅圖次胡龍臣韻

梁園賓客看花處錦障圍春花滿樹一朝池館綵雲空可
恨畱春：不住豈若孤山雪後花年：開向老逋家自信
貞心同鐵石肯隨凡卉混塵沙明月半窓閒徙倚展畫看
詩思無已華表千年鶴不歸霜花滿地天如水

輓府幕陳友寬妻

棠梨花落春沈：美人隔窓鳴素琴一彈離鸞之古調再
理別鶴之哀音百年夫婦願諧老豈信紅顏不常保昔如
南山連理枝今作秋風斷根艸牽牛織女兩相望一旦化

為參與商願郎長開故篋笥念妾莫換新衣裳

延月軒

延月復延月延月上青天月本無私照流光入我軒
八詠樓中好孫子當時月照雙谿水不知千載落誰家
只今飛入華堂裏東家延月照綺羅雪兒起舞雲嫌歌
西家延月照珠翠紅燭花偏錦袍醉何如清夜掃前除
留月照我琴與書

題子猷訪戴圖

燕山雪花大如掌沙磧瓊瑤深一丈萬里寒雲鳥不飛
驅車北渡河冰上豈識山陰有剡谿白月墮水風吹衣
子猷忽爾清興發夜半乘舟訪戴逵此時此興良不惡
一幅生絹亦奇作爭似蘇卿秉節旋千年圖在麒麟閣

題望峽軒

雙峽何亭如弟復如兄紫薇劉郎去已遠山今猶有紫
薇名太學儒生未三十五樹英向人立堂上有親令白
頭晨昏定省嗟何及書往書來春復秋壁水竟作三年留
鳳皇臺上一回首千里雲生東海頭東海頭白雲起望
峽之心何日已安得爾雲化為五色衣朝暮當庭闈
朝暮當庭闈不勞望雲思遠歸

龍尾山隱者歌

龍尾之山青如蟪何年躍出東南天夸娥不能為之員祖
龍不能為之鞭雷公電母相後先珠光壁采生重淵中有
幽人顏色好自采青芝拾瑤艸大丹鍊就金夫容世人得
之如得寶我昨乘閒一訪君清晝柴扉封白雲欲覓仙蹤

不知處薜蘿涼月秋紛。我無隋侯珠何以報區。明當南還大庾嶺青鳥來時須寄書

贈峽川醫士部員

紫薇山前鶴髮翁古心古貌古人同朝漱玉于葛洪之丹井夕棲雲于顧況之青峯大丹鍊就金夫容神方傳自娑竭宮白石可裂黃金可鎔有恒之心天地無窮

題姜潤華怡老堂圖

天目山來錢唐翩如丹霄五鳳下矯若碧海群龍翔金輝璧采照城郭中有姜家怡老之高堂有卜不應非熊兆有手不釣磻谿璜堂中阿翁壽而康堂下佳兒聯鴈行盤行白玉鱠觴進青霞漿松花落雪高雲涼松根茯苓如雪香左江右湖流湯。願言壽比廣成子千二百歲同其長

題三香圖

拾翠羽采明珠美人宛在滄洲居梅為兄礬為弟一笑相逢大江水江水澄。羅韞寒雙井詩人誰共看秋風雙井夫容老太史當年被花惱揮毫曾賦水仙詩礬弟梅兄竒絕倒三香之圖風骨清信知難弟復難兄昨夜月明江水白出門一笑見高情

題張文顯梅月山齋詩卷

盈。羅浮華皎。羅浮月渺。羅浮雲粲。羅浮雪我昔夢入羅浮天縞衣仙子神飄然綠毛么鳳隔花語別來仿佛三千年子今贈我雲錦牋何以報之瓊瑤篇相思一夜月如練歲寒長見春風面

題學釣軒

...

炎祚真人騎赤龍故人傲睨輕王公身披羊裘隱澤中手
弄一絲江上風客星夜臨紫極宮釣臺高並雲臺功復有
雲孫千載下讀書豈是煦煦者司征海上六年餘古貌古
心知者寡琴江東去水滔石上珊瑚明月高拂衣別我
且歸去持竿釣取黃金鰲

題杏林別墅圖

我聞于使君種杏碧山下它山豈無丹杏花不及家山種
來者高堂中有白髮親看花酌酒娛青春兒今去家二千
里作官只飲三衢水三衢水清漣漪年杏花開滿枝點
綴五色斑斕衣阿翁袖有金光艸令人服之顏色好別墅
春風日來花落花開長不老

秦駐山殺虎歌

秦駐山頭祖龍廟月黑天寒聞虎嘯將軍手挽烏角弓平
明入山尋虎蹤叢篁秀木鬱重陰壑慘淡來悲風山靈
白晝驅虎出壯士跳踉與之敵雄牙利爪善搏人大劍長
鎗俱辟易我今三箭信有神勇氣不讓飛將軍山中一朝
除虎害四境掃蕩無妖紛封章奏徹彤庭上

聖主聞知頒內賞安得儲公數十人一時蘇息東南民

重題涌金門外殺虎歌

昔聞堯舜世大禹平水土虎豹犀象驅遠之萬億蒼生皆
按堵儲將軍雄且武一朝手挽烏號弓射殺南山白額虎
白額虎視耽耽朝遊城之北暮遊城之南不有將軍一身
膽縱此飛類民何堪豈不聞牛哀七日化為虎獸面不知
兄與父縛虎易知人難方今

聖德天地寬但願將軍鎮藩翰人不化虎四海皆清安

題槐陰書舍

天有三台地有三槐云是晉公親手栽三槐如雲復如蓋
果應二郎居鼎鼐時當景德祥符間柱石廊廟安如山世
澤傳來三百載復有孫子登朝班槐葉陰覆書屋不數
鄴侯三萬軸繡衣金節玉花驄行部歸看滿庭綠春暉堂
前烏夜啼結巢多在青雲枝青雲枝上烏啼處它年留作
甘棠樹

送憲司知事吳君汝績之京

江之水清且漣明如鏡直如弦青驄繫著江邊樹繡衣汝
績朝天去津人伐鼓送樓船十丈雲帆南斗邊疆波帖帖
風不起使君之心有如水激濁揚清振綱紀萬歲千秋報

天子

送吳司幕秩滿之京

歌南薰調素琴人生會合無古今古人不受暮夜金今人
豈無古人心河南吳公好孫子脩顏如棗心如水三年贊
畫簡書勞夫容幙下清風起調素琴歌南薰南陽宗資今
見君江花冥冥江水春百丈牽船登要津鳳皇池上思波
重天官汝績承天寵冥鴻萬里快浮雲自古有才當大用

題直翁胡重器詩卷

直莫如虞帝之琴弦曲莫如任公之釣鉤直弦可彈太古
調曲鈎謾掣金鰲頭人心趣舍各有道曲鈎何如直弦好
在天勿作彎弧星在地當為指佞艸直翁直翁聽我歌出
門紛岐路多我願萬斛舟不涉九曲河我願千里足不

馳九折坡翁今有子鳴朝珂履道坦平不頗董狐之
筆如操戈千秋萬古名弗磨翁當餘年養太和子孫世居
安樂窩

題航為俞叔銘作

野水兮幽野航兮悠動吾行兮浮靜吾止兮休
逍遙兮中州浩蕩兮安流憑虛兮天遊沿月兮棹謳彼坳
堂之杯兮孰若以芥而為舟噫委身大造兮任吾去留

題朱氏椿萱堂

吾聞漆園之木八千秋又聞北堂萱艸能忘憂宋卿夫婦
俱白頭兒也貢入帝王州口傳天語出丹闕馬蹄蹋徧
閩山月兒心何以報春暉回望飛雲隔吳越左手擘荔子
右手持檳榔它山豈不好不如歸故鄉登朝見

天子沐浴承休光龍河雪消春水長願乞還家三釜養入門
堂上見椿萱靈柯銳葉俱無恙讀書椿樹下進酒憲花旁
更分白兔所搗之玄霜父兮母兮髮蒼金蘭玉樹照庭
戶直與竇家五桂同芬芳

謝南康張少府惠帶

南康少府休官日三徑黃花有佳色寄來束帶水犀文令
我腰圍較寬窄烏紗高帽白苧衣繫來釋子道相宜入手
御鑪煙氣重知卿來自鳳皇池我亦平生愛踈散可恨與
卿相見晚秋來消瘦苦耽詩一日幾回移帶眼湖魚白
湖蟹肥禾黍滿田黃雀飛秋水野航三十里停雲西望思
依

集杜少陵詩句一首奉寄雲菴法師

台州地濶海溟南極老人自有星千崖無人萬壑靜老
身古寺風冷二有時自發鐘磬響芝艸琅玕日應長昏黑
應須到上頭安得仙人九節杖不見旻公三十年清詩句
句盡堪傳陶冶性靈存底物晴窓檢點白雲篇

題竹雪山房為王御史作

繡衣柱史鐵作冠平生愛種青琅玕山中歲晚讀書處積
雪滿庭生翠寒常時見竹不見雪竹雪雙清更竒絕壺冰
照徹此君心璞玉鑄成此君節平明四望岩壑間矯如群
龍下瑤壇黃陵女兒騎白鳳風裳月佩鳴珊珊恍然張樂
洞庭野倒卷銀河向天寫九重閭闔參差開八極空明不
知夜是時繡衣朝紫皇下視九點煙茫二會當裁作十
二瑄坐使寒谷回春陽

有竹豈不佳有雪亦自好金聲來戶外玉氣出林表昔聞
王子猷夜訪戴安道當時有此君相見必傾倒千載回舟
興至今猶未了引領仰高風何由寫懷抱卓哉歲寒姿貞
白永相保

題李白觀廬山瀑布圖

我思仙人乃在南斗之下香鑪之峯手招五老白雲裏掀
顛玉立凌天風不知何年鬼斧鑿破混沌竅絕頂直與銀
河通上有奔崖噴壑之飛流下有橫江飲澗之長虹白波
九道走東海流轉萬古無終窮仙人詞源亦如此天然秋
水生夫容開元召入黃金屋揮毫醉寫清平曲鳴鳳不棲
阿閣巢青蠅翻污連城玉金雞放赦夜郎回生死託交鸚
鵡梧人間斗酒醉不得此水可滌愁懷開酒星在山頭酒

泉在山下便當釀作蒲萄醅不費千金之裘五花馬胡為
夢落峨眉亭千年一去不復醒畫中彷彿見顏色屋梁落
月秋冥心聞道騎鱷入瀛海神遊汗漫知何在大鵬借我
垂天雲八極三清會相待

題王仲序墨客詩卷

王郎酒酣當墨池五雲飛落天孫機河東美人織不得仿
佛八繭吳蠶絲

親王召見蓬萊殿天門白日飛龍見中官傳旨賜奚囊王
郎佩服生輝光絳州陳玄最奇絕落手麟膠三日香梁園賦
客鄒枚老愛爾尊前一傾倒揮毫為寫錦囊歌願爾千年贊
王道

剪韭亭

剪韭復剪韭山園春兩肥昨日韭葉長今朝韭葉稀但令
勿傷根日夕生華滋有客過茅屋呼兒剪春綠一箸盤餐
惟所須何待高門行白玉寄言山中人灌畦當及春人間
此味良可珍此味不減秋風蓴

友人紙帳名卧雲求題

白雲劈繭春重：仙人卧雲如卧龍天風吹下太古雪平
地幻出瓊瑤宮白雲來：還復去何如一榻留雲住胡蝶
莊周兩不知誰能解此雲中趣小鬟折花香滿衣霓裳夜
半行雲歸周公夢回日丈五此樂人間今古稀
梨花散漫春雲煥一色瑤臺月華滿醉倚仙家十二樓夜
寒不上珊瑚鈎飛瓊隔花吹小鳳縞衣驚起羅浮夢谿藤
剪霜翻素濤翠禽啼煙紅日高世間萬事邯鄲道人生不

及臥雲好

題李仕廉雪谿詩卷

五載西江想東越興來欲蹋山陰雪眼明見此雪谿圖
恍若冰壺貯寒月山中之人不可招千崖萬壑皆瓊瑤
浩日絕飛鳥深林何處尋漁樵謫仙有孫有佳趣蓬萊
移得三珠樹稍待明年春水生借我綸竿釣魚去

題馬文學之惠安教諭

鉤鳴鐘考朗鼓司馬先生教南土泉州宛在福州南榕葉
如雲荔子甘一路春山當馬首下馬栝行椰子酒門生出
郭侯谿傍翠盤鈿合進檳榔蠻雲瘴兩喜無恙衿佩青
趨絳帳

送黃將軍分鎮台城

渥洼之駒走千里雪花凝寒吹不起將軍仗劍出洪都南
來手輓天河水天河直與東海通搏桑虬枝挂彎弓旌旗
倒射海底日金鴉夜啼華頂峯彼州之人迎我侯此州之
人不可留順風吹帆疾如馬綠水蕩漾夫容秋九日黃花
一尊酒手把茱萸當楊柳將軍自有穀城書勲業傳家垂
不朽

謝何徵君惠麻鞋

仙人昔上蓬萊宮十年蹋徧京塵紅仙人今歸東海曲麻
鞋但遺雙白足白足麻鞋白似霜紫苔猶帶落花香世人
不識飛鳧鳥千里煩君遠寄將昨向滄洲拾瑤艸雨過沙
乾著來好此中不是若耶谿布鞞何愁杜陵老知君已謝
鵝鷺班尋真來訪白雲間舊時猿鶴應相識好在南山與

北山

題李白觀泉圖

我所思兮在匡廬錦袍仙人玉不如香鑪五老半天上旭
日照耀金夫渠仙人倒披雲錦袍浩氣直壓秋崖高人間
斗酒醉不得手挽銀河翻雪濤一朝召入金鑾殿曾與龍
顏醉中見誰知白玉點青蠅不顧昭陽忤飛燕紫皇案前
五色麟掉頭蹋徧名山春若非九天寫下千尺水何以蕩
滌膏中塵千年風骨何人畫彷彿屋梁明月夜騎鱣東海
若相逢大笑長歌呼白也

題芝谿送別圖

我聞袁安之子孫何年卜隱芝谿邨渭陽舅氏不可作甥
仗劍登期門芝谿之水清見底中有別情千萬里鳴笳

疊鼓送行舟東流有盡情無已芝谿水有雙鯉魚芝谿水
有明月珠明珠莫彈山頭雀雙鯉須傳海上書

送張河泊還鄉

清涼遠在南海隅青鳥啣寄雲中書開緘忍見數行字阿
母手封雙淚珠為言十載與兒別復報若翁今永訣五月
兒從闕下還悵望南雲寸心折水有行舟陸有馬無復升
堂拜郎罷七月秋風起布帆兒歸笑指青山下兒今無所
願：母壽且康上堂進荔子下堂食檳榔檳榔可餐荔可
擘玉立亭：兒在側更種長松當墓前慈烏結巢年復年

題岐山圖

朝望岐山雲夕望岐山雲岐山不可見但見非煙非霧青
氤氳上清真人好奇古有山不待夸娥負縮地回天頃刻

間蓬萊移得金鰲股吾聞留侯從赤松功成歸老山之中
千年復見好孫子出宰况近仙人宮仙人獻歌碧雲裡采
掇金芝餐玉髓也知吏隱亦清流兩年只飲薊谿水只今
見畫如見山安得置我靈臺間日凭高望雲氣會待岐
陽鳴鳳還

殺虎歌贈葉將軍

朝射虎夕射虎吹鳴笳喧疊鼓去年田禾不得收牛羊不
敢放壠頭今年禾黍滿郊野猛虎無聲山月秋白髮老翁
臥茅屋教兒賣劍買黃犢到城明日謝將軍更向轅門分
虎肉

漁隱

青蒲葉短臨平湖水滿嫋柳絲長當門繫野航野航

穩于馬坐釣青山下魚我兩相忘無人知釣者百年天地
一漁蓑流水桃花意若何得魚換酒篷下醉自誦一曲滄
浪歌太公釣西周嚴光釣東漢古來豪傑人出處關治亂

題山居夏夜讀書圖

素月兮流天松風兮奏弦澄夜氣兮冷然寓吾情兮簡編
探義圖兮畫前游吾神兮太古之先

送馬貢士題春江送別圖

大山小山夫容開雲氣遠從天目來東風吹散鳳城雪一
夜江水清于苔借問舟行向何處馬卿明日朝天去杏園
花滿曲江春幽谷鶯遷上林樹方今玉堂皆鉅公手把刀
尺青雲中神龍出河龜出洛千載復見明良逢馬卿此行
當努力射策彤庭期第一龍門奪得錦袍歸先遣雙魚寄

消息

題春山小景圖

老夫愛画入骨髓偶向高堂見山水不識何人寫此圖
恍然坐我春雲裏大山小山青入天嵐氣暝結香鑪煙扁舟
夜泊潯陽郭似是當年孟浩然阿翁手持九節杖雙澗流
泉玉琴響天風吹帶碧桃花瑶艸金芝為誰長南郭先生
吾友于招我共讀山中書石田可耕水可釣安得斯人與
同調

謝杜醫士為葉百戶贈

浣花老翁好孫子家住鹽官忠義里幼讀神農黃帝書青
年賣藥居城市今夏括蒼葉守中卧病兼旬不能起更醫
至再復至三孰辨陰陽明表裏城中杜子有家學分得桑

君上池水捷如壯士當敵場百步穿楊誇一矢昔也父母
及諸弟倉皇驚怕走折趾今也怡然北堂下笑舞萊衣具
甘旨五月歸從白玉京瓊玖安能酬木李觸熱敲門求我
歌好雨洗秋涼入髓勗哉杜子須努力積土為山自今始
而翁天外如有聞化鶴歸來心亦喜

題羅小川山水圖奉和耆山真人詩韻

平生愛画入骨髓出門萬里皆山川周南太史古轍迹媿
我白頭非壯年稚川父子有家法何異萬選青銅錢每于
江海見遺墨一紙千金人共憐匡廬秀出南斗旁赤日倒
射香鑪煙金光壁采絢林壑使我一覽神超然天雞啼
而喔火龍蜿而蜒東分蓬萊五鰲股西擘太華三
峯蓮乃知意匠奪天巧聲價冒讓它人先瀛州仙子何翩

翩霧閣雲窓常晝眠直疑樽桑與若木根盤賜谷通虞淵
耆山真人好事者筆勢倒翻三峽泉安期棗如瓜玉井瀉
如船何當為我蛻凡骨神游八極齊喬佺

題賀節婦卷

秦烏啼啞少婦在邊姑在家婦從萬里拾夫骨恨身不
與夫同歿一兔百逐良可憐形影相依今十年鏡中寧使
斷綠髮頭上安可無青天夫入九泉無復見何日登堂見
姑面妾無錦字織回文妾無胡笳寫哀怨代妾陳情范子
勲放妾還家宋將軍妾年至死何以報願夫再生姑不老

題張母徐氏貞節詩

由拳城外鴛鴦湖鴛鴦交頸依菰蒲雄歿雌存形影孤矢
死不學雙飛鳧良人贈妾明月珠嫁時繫在紅羅襦夫今

在地妾有雛賣珠日給堂上姑打門無吏夜索租挑鐙有
女寒辟纊女工紡績兒讀書妾死不慙泉下夫

題剡谿書屋

朝望青山雲夕望剡谿月我思剡谿人欲載剡谿雪笑殺
山陰王子猷一時興盡回扁舟早識山中有羊仲放船也
作東吳游羊家結屋谿南住正是好山環碧處門前水漲
柳花灣釣船一夜高于樹阿翁看山不下堂兩兒翩翩如
鳳皇大兒才力健射策登朝行小兒天姿高十五工文章
至今雙髻亭削寒玉二帶蜿蜒走崖谷讀書教隔碧蘿
間夜虹光照秋屋翁今歲晚江上歸有約明年尋剡谿
野航載山不載雪繫在屋東楊柳枝

題金壽堂

世間萬物皆可變唯有黃金能百鍊龔家慈母出鄧林貞
節可比千黃金黃金善祝慈母壽黃金莫鑄慈母心孝子
愛親如愛日百年一刻千金直大書金壽揭高堂願母與
日同其長

送戴伯聚還天台

戴先生住在龍山之下迂江之湄平生讀書忘渴飢三旬
九食寒無衣口掉三寸舌不顧人是非前年別華頂來遊
東海涯今年還天台去采黃金芝秋風蕭蕭吹葦衣遙望
宮前浮雲飛豈不聞蘇季子六國印百里奚五殺皮人生
出處各有時子當還山歌我詩

美妾換馬

妾重千金軀君愛千里足共憐逸足疾如飛誰念貞姿美

如玉妾今出門去無復侍華堂寸心何以報願作青絲纒

顯具慶堂

陳綺席進華觴聽我長歌具慶之高堂太學儒生忠孝士
矯首南雲幾千里堂上雙親八十餘堂前玉立三兄弟東
家積得金滿籬何如教子傳一經西家作官金絡馬何如
種萱北堂下陳綺席進華觴聽我長歌具慶之高堂兒在
遠道親歸故鄉兒業日以廣親年日以長它年紫誥鸞回
紙聖德如天無遠邇請看進士歐陽詹不在親旁親亦喜

輓道士

有羽人兮在玄都白玉為佩青霞裾手掉五色金芙蓉飄
然騎雲游紫虛呼吸元氣洪濛初閱盡三洞天皇書江風
蕭下歲云徂寒月墮澗水蟾孤玉棺千年葬龍且嗟羽人

分不可呼
贈道士
我思仙人乃在三神山何年誤落塵網間浪遊江海不歸
去碧桃落盡春風閒春風閒瑶艸綠來日燕辭巢歸時鶯
出谷黃金之闕白玉城手把芙蓉朝太清安得從師入山
去醉騎鸞背吹瑤笙

贈上清道士

天上仙人碧落卿冰弦入手風泠泠一彈山中別鶴操再
弄谷口樵歌聲是日同登玉虛閣碧窓片_三桃花落恍然
坐我鳳麟洲瓊珥瑤環下膠鬲師今復上蒼山顛洗耳更
聽幽澗泉鈞天別有太古調此曲不許人間傳

題桂菊雙清圖

白帝司秋運金氣空山艸木皆淒厲嗟爾桂樹青團_三直
與佳菊凌霜寒貞姿孤潔同晚歲何異幽人逸士棲岩巒
我所思兮淮南之小山白石鑿井金作闌手招八公鍊神
丹驂鸞翳鳳遊其間側身西望柴桑里南山悠然當面起
處士兮歸來尊有酒兮甘且旨石磊_三兮葛絲_三玄豹號
林兮長鱷阻川折遺芳兮寄遠歌招隱兮期長年

來鶴亭

鶴不來雲悠_三十年無書寄揚州仙人五城十二樓玉簫
聲斷瓊花秋黃埃四塞不可以久留安得從之上瀛洲鶴
不來雲悠_三

東檜軒圖

悟空塔前雙檜樹化龍已上諸天去犀牛角子破多時欲

覓牛兒無覓處千年公案重于山還我牛兒竟不還檜樹
東邊結廬者亦欲置在犀牛間画史安能知許事此中真
有西來意莫論檜東與檜西且復還我犀牛兒

題紅梅

東方風來吹碧雪群妃醉蹋瑤池月中有仙人萼綠華珠
佩霓裳最清絕別來彷彿三千年綵雲夢隔蓬萊天蓬萊
宮中花鳥使幾見海水為桑田東家步障霞綃煥不惜千
金買池館春歸紅葉玉簫閒月冷海棠銀燭短何如託根
王君家不學人間兒女花昨日劉郎笑相贈天台有約飯
胡麻

還山吟送天台王徵君

巍乎天台之山四萬八千丈兮聯岡疊障繇亘乎東南
神鰲戴山儼不動但見螺髻涌出矗青瑤簪三更雞鳴
海水赤丹霞紫霧浮晴嵐上方鐘磬落天外白日花飛優
盞曇嗟哉勝境可望不可即兮金堂石室何由探神仙中
人王子喬顏如丹砂髮鬣偶從東海一相見調笑共作
煙霞談手持天孫五雲錦冰絲嫋縠縠吳蠶飄然別我復
長徃解纓去濯桃花潭天風吹散華頂雪曹娥江水青于
藍舵樓晚飯坐天上拂雲鳥翼張高帆

夢天

夜飛八翼登天門濯髮明河披素雲玉瑄雙回白鳶背珠
露冷然濕秋佩泰階煌煌明六符東方白榆長不枯拾得
天孫機下石何勞問卜過成都

題竹雪山房

吾聞王內史種竹在山陰人見此君節不知此君心昔年
讀書脩竹林積雪擁門三尺深一庭夜月瓊瑤色萬壑天
風環佩音我知此君最清絕歲晚相看面如鐵正色比公
頭上冠爽氣隨公手中節青驄躡徧江南霜請持玉節朝
紫皇裁為鳳凰十二瑄坐使寒谷回春陽

題望雲圖

葉先生住在四萬八千丈之天台霞氣直接東蓬萊天雞
三鳴海水赤春風幾度桃花開胡為家山看不足剪得匡
廬雲一幅春暉在青天寸艸在黃土中有一寸心何以報
慈母關西余氏母在堂三下宜男春日長九華西浙宦游
處白玉種此雙兒郎兒今長大過三十寸艸春暉報何及
豈無魯陽戈為駐西飛鳥豈無萬丈繩為輓義和車春暉

在天艸在地母子同躋太平世更願傳家好子孫大書特
書忠孝門

神石

有石有石在空坑宋朝文相避元兵單騎脫急無留行石
墮空坑如隕星追兵不及相乃生人言此石山之靈天佑
信國全忠貞重為告曰石兮石兮爾之生也甚竒怪胡不
鍛鍊五色上補青天青嗚呼共工一觸天柱折孟姜一哭
長城崩誰謂土石終無情至今鄉人號神石奸雄過之當
屏迹

義虎

有虎有虎在空山孝子夏貴廬其間呼天長號病不起虎
啣野鹿活孝子虎也日與孝子親相隨出入三十春孝子

起為宋大將專城總督淮西軍將軍一朝思納土虎亦咆
哮觸其怒虎死在地魂上天將軍掉尾求生全重為告白
虎兮虎兮爾之生也甚雄偉殺身成仁有如此胡不化為
忠義士董狐之筆良可紀萬古千秋照青史

題畫

露華凝寒玉蟾泣張生手滌金壺汁神鰲戴山海水立白
龍噓雲元氣濕毫端妙奪造化功傍人云是米南宮贈爾
波斯螺萬斛寫我匡廬看飛瀑

題恬淡軒為儲都司作

淮之水出自桐柏山千盤萬折流入江河間將軍好文兼
好武清似流泉出山下手提長劍鎮雄藩馬前奔走皆貔
虎龍驤萬斛出海洋西略月窟東搏桑天弧夜半射天狼

鯨波帖：青鏡光歸看山中恬淡水方寸澄清亦如此方
寸澄清亦如此萬歲千秋報 天子

長安道

長安道上花紛紛：紅霞漲天飛作塵東里雕甍耀白日西
街駿馬嘶青雲長安少年不知老鳳管龍笙春亦好昨日
牡丹何處花今朝鸚鵡誰家鳥韶華過眼易消磨楊柳纖
腰愁思多不見古來歌舞地夜深風雨泣銅駝

題來鶴軒為張僉憲作

張君持節洪之都左招洪崖右麻姑仙人騏驎不可馭何
以得此當庭除雪作衣裳丹作頂戛然長鳴延素頰夜榻
時聞竹下聲午階每弄花間影 九重蕩：天門開曾侍
玉皇香案來乃知君身有仙骨地位清寒霜滿臺只今籠

之往何處為言攜向英山去我亦東歸尋故丘結巢願託
三珠樹
寄我以中山玄兔之秋穎寄君以東海麻姑之錦書仙翁
一尺蒼虬鬚昨來海上騎鯨魚翱翔白龍宮簸弄明月珠
我欲酌以迎風含露之玉壺仙翁飄然夜回車別來可望
不可即綠水蕩漾秋芙蓉絳河彤雲流碧虛仰見南極當
天衢星宮之君曳霞裾揮手招我來斯須東方小兒學仙
術年三夢想蟠桃實權歌聲落蕩花洲今歲玉桃偷不得
諸郎一青瓊枝謝家兄弟田家兒門前紫荊花滿樹數
月不見長相思阿翁白頭種丹杏賣杏積穀防年飢諸郎
稱觴杏陰裏夫容出鼎丹光起豈不聞古來九世張公藝

我願仙翁傳百世

題禮部郎中安公山行詩卷

安使君來自蓬萊東手持絳節凌天風水晶宮中好山色
七十二弁青夫容樹陰暫繫青驄馬行部咨詢到山野傾
筐紫蕨小兒拳出網白魚鮮可鮓浮玉山前一葉舟黃帽
隔谿歌權謳天上神仙思下土行當獻納鳳池頭

題天台山人山水圖

天台之山四萬八千丈我昔飛夢登其顛三更雞鳴海水
赤白雲萬頃皆瓊田長松如龍倚絕壁飛瀑懸崖練花白
仙人邀我飯胡麻洞府高寒畱不得却從天姥蹋虹霓獨
抱明河秋月歸別來此境不復到空谷夜三青猿啼丹丘
有客持束絹使我玩之神不倦林巒暝色隔煙蘿彷彿當

年夢中見故山桃花今有無劉郎何不歸仙都劉郎何不

題二喬翫月圖

皎二天上月照見大江流江流去無已月色滿高樓喬家
二女在舒州凭高望月樓上頭金波灑綺疏夕玉露盈
盈羅韞秋自從嫁得英雄婿不知月落誰家去千古山河
影在天江水東流年復年

題七馬圖為張將軍作

七馬來自流沙西二十有八玉鑿蹄時平四海罷征戰華
山之陽春艸肥一匹齧草兩匹洗刷臨清谿中有兩匹絡
青絲奚官旁立不敢騎明當進入天門下一金鞍蓋黃
帕漢家不用千里才只許將軍看圖画

送福二令弟秉德還南雄迎父

買船何之南雄洞庭木落生秋風大帆中流夾雙櫓南
望庾嶺青叢福郎去家五千里白雲日山頭起浩蕩
春暉一寸心深恩較比三湘水湘水有時盡此恩何時忘
上堂進甘旨下堂食檳榔檳榔可食魚可鱠白髮明年過
吳會長安橋邊楊柳青馬上看花同一醉

題望峽軒

巍乎紫薇之山兮雙峯並峙乎西東上干織女之銀浦
下瞰蛟人之貝宮天雞三唱海日紅雲窓霞閣風玲瓏俞
家兄弟構華屋空翠飛落軒楹中堂上有親顏色好長年
服食金光艸笑傾阿母九霞觴啖以安期玉文棗三年仲
子在成均回望天南多白雲每憑海鶴附書至遙見兩峯

如見親俞生俞生忠孝者行看赤車馳駟馬前度劉郎未
足誇重來還對紫薇花

贈太醫院使戴元禮

戴先生好神仙朝侍玉皇之香案暮游金華之洞天采藥
不上蓬萊船餐青霞鍊丹砂騎雲翱翔太清家九重日月
生光華千秋萬年樂無涯

禱雨歌贈楊鍊師

楊鍊師愛神仙乃在碧海之東偏仙人魏伯陽丹成上青
天靈符玉文洞玄鍊師得之寶其傳凝神專氣合自然
前年在袁州夏秋大旱不得雨山澤艸木生炎煙去年海
若犯河伯秋潮漲沙龜拆田今年魃也肆惡如火燒平原
萬口嗷不自活命如一髮千鈞懸鍊師不笑亦不言仗

劍一呼龍出淵手挽天河注長川雷公電母相後先已已
及辛未一歲禱一雨遂令老穉飽飯歌豐年楊鍊師通神
明長身玉立方瞳青公田及私秋有成功不自愛歸冥
靈風吹旗海氣鮭醉騎黃鶴吹瑤笙請以海門山前龍眼
千尺浪和我一曲空歌聲

代王奉祠贈別友人之京

春風吹江春雪晴茶官放船明日行奉祠過我索長句把
酒出餞鍾陵城沈郎有母華亭住三載思家不歸去側身
東望白雲飛長繞九龍峰頂樹今年報政上京華還種
北堂萱艸花不學江州白司馬直將哀怨寄琵琶媿我梁
園老賓客與爾從來未相識稍待金芽入貢餘紗帽籠頭
共煎喫

共煎送知縣陳仲信之建昌

朝游甘棠堤夕游甘棠堤。上夜來雨秋風聞馬嘶借問
向何處駕言南康去香鑪生紫煙五老欠延佇山中瀑布
水散為九江流江流二千里還歸東海頭海中有鯉魚好
寄平安字手把釣鰲竿時時候書至

鐵箭辯

鳳皇山下通江門錢王鐵箭今尚存世傳當時有三箭兩
箭沈沙俱不見唯留一箭在江頭此箭不隨江水流壯士
摩挲撼其鏃根株下貫金鰲足出地曾無一尺高定知作
則捍波濤始豐先生真好辯直指是幢非是箭兩淋日炙
四百年孤星煌煌長在天

題東山清隱圖

南山莫采菊北山莫移文西山食薇終不飽聽我且歌東
山之白雲白雲宛在山之下卜得陂坑葬郎罷三年返哺
學慈烏千里按圖求駿馬關山漫。霜露多谷口秋風吹
女蘿側身南望不歸去白髮倚門愁奈何東山之圖不盈
尺時見山頭白雲白山有荔子江有魚兒在天涯重相憶
只今冠佩登鴈行誰種忘憂當此堂安得仙人縮地訣日
日稱觴慈母旁

寒食行

江南三日梨花雨寒食鄰家哭兒女阿爺戰死長兄存二
十年來別鄉土存無信息死無歸胡蝶春風淚滿衣紙錢
空挂枯楊樹存者不知埋骨處一百五日年悲來天外遊
魂何不回

北邙山頭生白雲北邙山下多古墳借問誰家埋白骨此
中半是洛陽人陌頭夜半銅駝哭塚上蕭蕭悲宰木貧家
無地葬遺骸忍見烏鳶啄人肉白日短雲无根翁仲百
年當墓門花落春風一柶酒幾家寒食見兒孫

送丘朝宗還黃岩

百年三萬六千日先生行年今半百文章自守一羶青勲
業頻看二毛白我持我酒為君歌四十九年東逝波只今
富貴須自致錦衣行畫毋蹉跎我生亦是東方朔往來尊
前恣懽譁得錢痛飲即忘形抵掌論交宛如昨呼兒手折
薔薇花山併激灑送流霞處士星當霄漢上異鄉吾土挹
光華

題雪雀圖

老竹生棘間凍禽來上棲山空雪深相因依相因依歲將
暮朝陽別有鳳皇雛長在高岡碧梧樹

題三桂堂

吾聞戴家三兒翮如鴈行家有三桂之高堂中八月
風露涼三兒讀書三桂旁黃金月中樹白玉天上郎人言
教子有義方東家牡丹好池館何如三桂歲凌秋霜

題琴軒

山高水深中有太古之徽音姚君手抱綠綺琴揮我
彈徹天地心弦中一曲南風調千載無人識其妙水深
山高此樂只許柴桑陶

題古木圖

蕭蕭疎木葉下歷落霜樹高丹崖寒深老石裂山

風吹月清猿號當年画史筆最好寫得乾坤秋氣老圖中
轉手奪天工始信黃金未為寶

山高題冰谿送別

冰為谿玉為山夫容幕府山水間夫君三載主畫諾云是
能詩謝康樂雅懷英玉在璞清姿皎冰出壑玉以北
君德冰以清我心笑呼麻姑酒載歌長短吟春雷送兩章
江潄一夜水高三尺深君今報政朝天闕十幅蒲帆挂
明月冰谿迢東入浙白頭病起難為別因風寄謝鮑參
軍冰玉相期保明哲

題李將軍九虎圖

李將軍家有先世所藏之畫圖：中大小九於菟一豹馴
狎與之俱丹崖翠谷行啟隘朝游長林夕負嶠馮婦見之

應下車將軍佩以黃金符爪牙捍禦洪崖都願為麒麟與
騶虞此圖傳家真不虛

贈人入浙

老夫暮倚襟江樓青山西來當屋頭白雲洗空涼雨過明
月不隨銀漢流槐里弟兄交有道季方更比元方好敲門
蹋月夜相過玉樹清風滿懷抱笑呼麻姑青玉漿仰天邀
月：在觴須更各飲數十月：復挂在天中央伯也尊前
重告別明日放舟東入浙我身願為帆上雲我心願作楫
中月雲隨帆去不相離月落楫中時見之画舫西湖載歌
舞荷花楊柳總相思老我不歸今四夏近聞湖上多清暇
竹雪能臨內史書武唐解寫王維畫故人東老最工詩興
繞南枝與北枝若見諸賢煩問訊梁園詞客待多時

次凱南清見寄詩韻

白雲出山無定姿白雲還山無定期乾坤清氣不常用海
內復見湯休詩昨夜大江深幾許彈舌沙中作龍語碧桃
紅杏滿湖開彷彿雲間散花女上人正自曹谿歸星斗錯
落環璿璣揮毫爛寫懷素艸劈歷應手蛟龍飛我今已遂
三生夢石上因緣何足論明當載汲洪崖泉煮茶談空共
棲遯

奉張公子歌

戚里張公子古貌又古心面若一尺玉心如百鍊金碧樹
陰：繞茅屋不惜黃金買書讀有時夢到羲皇前河洛圖
書看不足白晝呼童掃落花高閒真似野人家堂上靈椿
八千歲綵服裁為五色霞白頭解后洪都市令我見之心

即喜今人容貌古人心一曲長歌吾老矣

余辭老還家作中秋見月歌一章留別張公子

我行鍾陵道五見中秋月明月流中天既圓還復缺月圓
月缺可柰何今年照見病維摩舉頭見月發大笑白髮較
比來時多來時黑髮今盡白玉兔有丹醫不得百年三萬
六千朝願照年：好顏色張公子留侯孫臨風共爾傾一
尊今古乾坤有清氣此趣勿與它人論明當載月東吳去
挂在海門山頂樹唯有相思一寸心夜：莫忘看月處

題時習齋

天行九十有萬里日月循環若流水人之為學亦猶爾夜
以繼日恒不已譬諸行遠必自邇跬步千里自茲始為以
九仞一簣止半途而廢良可恥文江有士復質氏人言是

